


Umulungu Walenga Amakumi

Cine Lubali Uwakwa Daniele

 Natotela, nganshi, Munyina Neville. Mwashibukeni, mwe fibusa. Cena lishuko ukuba muno mwi hema nakabili muno lucelo, ukutwalilila iyi Mbila ikalamba iyo tuleesha ukulondolola, uyu *Umulungu Uwalenga Amakumi Cine lubali Uwakwa Daniele*. Kabili tuli abansansa ukumona abengi nganshi abalongene muli buno bushiku ubuli ubwakaba, kabili cibe tulelomba ubwelelo tatukwete incende apakwikala. Ukumona abantu abatitikene nga filya no kwiminina mu mbali, tacaba ica anguka. Kabili pakukana ba aba kwikala bwino ngefyo mufwile ukuba, cilaba ica kosa kuli imwe ku kumfwikisha. Lelo twalacita ifili fyonse ifyo twingacita pakuti twa angufyanya.

² Kabili—kabili, ileelo, Ninkwata isubilo ukuti imwe, nga cakutila Nawayawayako, imwe mwalanjelela, pantu ino enshita yakupampamika ifikomo fya ino Mbila, inshitafye ino ine iyakupampamika fyena. Tufibikile mumitande itatu pakutila twaba abashininkisha ukuti imwe mwaumfwa.

³ Nomba, mucine, u—ulukuta ululi muno nalwishiba ukutila ifi, nangu ishi Mbila, shilebikwa pama tepu. Kabili shila tumwa mwi sonde lyonse. Mucituntulu cila i calo cilapokelela aya amatepu monse mwi sonde. Kabili Ndefwaya ukusosa ici ku bomfwa amatepu, konse kuntu muli, monse mu ncende ye sonde uko mulimo, ukutila kuti kwabako ifintu fimo muno ifyo teti musuminisheko kuli ine pakufundisha uko Ine—Ine ncita. Lelo kuti Natemwa ukusosa, ba munyina, nalimo, ukutila nga imwe kuti mwalondolola cena mumusango imwe mulecimwenamo, limbi kuti caba icapusana kufyo Ine ninga cetekela. Lelo, kuti Naba uwansansa ukumfwa kufyo mwingalandapo.

⁴ Kabili cena caba ne tontonkanyo ilyo Ndetelamo ishi Mbila, ukufuma ku . . . Cebo cakwa Lesa, mu mutima wandi. Cena caba cakukoselesha i Chalichi, kuma Chalichi yonse, ku Chalichi caba konse konse; i Chalichi cakwa Kristu, icaba konse konse. Kabili Ine mucine cine nacetekela ukutila ifwe tuleikala mu munshiku isha kulekelesha. Kabili ukweshwa kwandi ku kulondolola ici, kabili cibe nshile esha ukucipanga cena, ukucangufyanya, munshila imo ne ibiye. Nshatala nkwatapo umulandu, ngefyo Naishiba pakucita, pakucita ico.

⁵ Inshita ishing'i abantu balomfwa ukufuma ku matepu, kabili batila, "Ukuba, Nshilesuminako kuli ico. Ena taishibafye

ukufunda, taishiba Amalembu.” Ukuba, ico, ico kuti caba icine. Mwamona? Ine tekuti nande ukutila ico te cishinka.

Lelo, kuli ine, Ine—Ine ndabelenga Cena, nshibula amashiwi ayali—ayali yonse. . . Mbelenga ifyo abantu bambi balanda, kabili ndabatotela bena. Fyonse ifyo umuntu onse alanda, Ndatasha pali ico. Lelo nomba—nomba Ine ntwala kuli Lesa, kabili Ndekala neco mpaka Nalondolola cena, ukufuma ku Kutendeka ukufika naku Kusokolola, kabili nomba moneni fyonse filekatana mu Baibele. Kabili nomba Ine—Ine ndeshiba ukuti cena pamo cilaba icalungama. Kabili, mucine, apo muli abalungama, cilya e cifulo cimo ico Nafumine mu—mu munshila. Kabili limbi palya epo mulufyenye, nangu ukulungika, palya epo Nafumine mu cinshila, kabili namulubali lumbi.

⁶ Eico, tulemitotela bonse mwebantu abasuma abali pano muli ilibumba, muno lucelo, kabili kuli imwe mwe bantu abasuma abomfwa aya matepu. Kabili naifwe. . . Bonse fwebabomba ico, conse niku Bufumu bwakwa Lesa. Nalikwata abanandi abengi abasuma ukushinguluka isonde, abo Ntasha nganshi, kabili nokucetekela ukuti Ndi nokuba pamo nabena mu Muyayaya. Kabili tekuti cibe mu mutima wandi ukweshu uku—ukubepa balya bantu, munshila iili yonse, lelo ukweshu ukuleta ifintu fyonse mukufikilishiwa ifyo Ningacita ku kubafwilisha.

⁷ Naumfwa nga fintu Solomoni aumfwile lintu apepele, kabili atile, mupeni amano pakutila enga tungulula abantu bakwa Lesa. Lilya epepo lyandi ilya bufumacumi.

⁸ Abo tubomba nabo abali naine kuno, ukushinguluka, Ndemona Munyina Mercier, kabili—kabili Munyina Roy Borders, na Munyina Neville, na Billy Paul, umwana wandi umwaume. Gene ali muno pamo, naba bwananyina, Teddy, na bonse. Ndetasha aba bantu bonse abesa ku kungafwa.

⁹ Ndeibukisha kuno tekale saana, Munyina Leo, i—icimonwa ico ena akwete; iciloto, eflyo ena alecita, ubushiku bumo munshita ya bushiku ilyo twakumene; uku ena amwene pakansonshi ka pyramid iikalamba, mulya fye mulwelele. Kabili Nali pa muulu ndeshimikila, pa cifulo cimo, kabili alininine ukwisa mona ico capilibwile. Kabili lintu afikile palya pakansonshi kaiyi, mulandu nshi, ena atile, cali kwati lubuuto lwa silfele mukumoneka, nangu kwati nimbale, Naiminine, ndeshimikila ku bantu. Kabili ena acebwishe uku kutika kwandi, kabili Naine naloleshe ukupilibukila kuli ena. Kabili atile, “Musangonshi winga fuminamo kulya? Musango nshi Ningafuminamo kulya?”

¹⁰ Natile, “Leo, tapali nangu umo uwingesa pano. Lesa alingile ukuleta umuntu pano. Nomba, imwe tamufwile ukwisa pano. Imwe mulingile ukuya kulya no kupela ubunte kubantu kuli balya bantu kulya, panuma imwe mwamona ico, ukutila cena e

Cine, ukuti Ukuti e Cine.” Leo alikile panshi, kukupela ubunte ku bantu.

¹¹ Nililali cilya ca citike, Munyina Leo? Imyaka iingi, bushe teifyo? Imyaka iingi. Ukutula lilya, ukulingana ngefyo Naishiba, ena aba uwacishinka mu kucita cilya, ukupela ubunte ku bantu ukutula ubupyangishi bufuma kuli Lesa. Nomba, kabili Nshi—Nshlefwaya cena ukwisa ukufuma kuli ine. Nga cakutula cilefuma kuli ine, nomba cena ninshi tecisuma, pantu tamwaba icisuma mu muntu. Mwamona? Cena cilingile ukwisa ukufuma kuli Lesa.

¹² Nomba, lintu Nalolesha konse konse . . .Mailo mu cungulo kasuba, Naposhenye mu maboko na cibusa wandi, Munyina West. Nshilati imumone, muno mucikulwa; ee, Ine nomba, muno lucelo. Kabili mwalishiba ubutali uko balya bantu bafuma, ukufuma fye konse kulya mu—mu Alabama, pa Mulungu, ukwisa kuno, ukufuma kulya ku Alabama!

¹³ Munyina Welch Evans, Nshamumwene pa Mulungu wafumineko. Umo muntu atile ali kuno ileelo. Bena balya abantu bensha ukufuma ku Tifton, Georgia, ukwisa kuno. Kabili munyina uwikele muno, ifibusa fyakwe. Fingi nganshi! Munyina Palmer ukufuma ku Macon, Georgia. Kabili Namona, Nincetekela, Nkashi Ungren kabili na bonse kunuma kulya. Bonse bafumine kulya ku Memphis, Tennessee. Nomba, muletontonkanya . . .Na bambi ukufuma ku ncende shimbi. Nacikumanyafye na mayo muno ukufuma kulya, ukuya kulya ku South Carolina.

¹⁴ Nomba, muletontonkanya ukutula abantu pano . . . Nacilalolesha kulya, ukufuma ku Chicago, kabili ne ncende ishampusana pusana, ukwensha ba mailoshi imyanda ne myanda, ukwisa sangwakofye mukulongana. Nomba, lintu bafika pano, takuli incende yakwikalapo. Te ncende umuli umwela wakupupusha; cikulwa icakale icakaba, ico bemininemo, ukukumuna icibe. Ukufumya indalama pe tebulu, ku bana babo, ukwisa kuno mukwisa umfwa iyi Mbila. Mulepilibula ukunjeba ukuti takuli i . . .kwi shilya lya uyu mumana, kuncende imo, ukutula kuliko icifulo uko bena bali nokuya, muli bumo muli shino inshiku? Icine cine, eko ili. Ico ebucishinka! Balya bantu balapela icekumi. Bena tabesafye, baleta icekumi cabo nomusangulo, nokufileta mu ng’anda yakwa Shikulu, ukwisha ukucita ico icalungama. Lesa mukucindama apaale abantu abacumfwila ngefyo! Uluse lwakwa Lesa nokusenamina fibe pamo nabena.

¹⁵ Namona umunandi, Charlie Cox, bena ukufuma kulya ku Kentucky yakumasamba. Kabili na konse konse fye, walolesha konse konse, iwe kumona abantu ukufuma muncende isha lekana lekana.

16 Uyu umulumendo uwikele pano, Nindaba ishina lyakwe. Namukumenye ku Chicago. Lelo iwe ufumine kwisukulu lya Baibele kumo ukutali ukufuma pano, kuncende imo, teifyo? [Munyina atila, “Springfield, Missouri.”—Kale.] Springfield, Missouri; Assembly of God Bible school. Ee. Ukuba, cisuma. Imwe mwamona, bena bafuminefye ku ncende konse konse, muno mu chalichi icinono icakale.

17 Tontonkanyeni fye, palwa, ukufika mu myaka amakumi yatatu iyapitapo ilyo Nabikile ilibwe ilya pa cifutu lulya ulucelo, Naiminine kulya mumusebo wa Seventh Street, ukucila icikulwa icitali cimo. Ninshi cibe nshilati ingupe, nalifye umuntu umusepela. Kabili Nalimwene icimonwa ca bantu nabekala abatitkana muno ukufuma ku ncende shonse. Kabili Nali uwansansa nganshi, ukwiminina kunuma ya cintamba. Kabili ilyo line e lintu Ena anjebele ukuti, “Lelo lino te hema lyobe.” Kabili Ambikile mwisamba lya makumbi. Kabili mwalishiba ilyashi lyonse ilyalembwa pebula lya muli Baibele ilyaba mwilibwe lya pacifutu palya.

18 Ndetasha nganshi kuli imwe mwe bantu. Ine tekuti... Ukuti, ukuti nshikwete ifingi ifya—ifya kulanda, “Ukuba, Ndetasha kuli imwe.” Lelo Ndamupepelako. Nalicetekela muli imwe. Nalicetekela namu kwishiba kwenu ukwa kwa Lesa. Nshilecetekela ukutila umwaume nangu umwanakashi kuti aensa imyanda ne myanda ukwisa kuno, ukwisa langisha umusango wa fyakufwala bafwele. Nshi—Nshiletontokanya bena kuti bacita ico. Iyo. Bena tekuti besefye kuno ukwisa mukubamonafye. Bena kwisa kuno pantu baba abashika kabili aba bufumacumi kwipusukilo lya myeo yabo. Ipepo lyandi nili: “Lesa ngafweni ine, ngafwilisheni ukuba fye nalimo citika uwabufumacumi nga filya, ukwisha ukupyunga kuli bena na fyonse ifili mu mutima wandi, kabili ukulolekesha kuli Lesa.”

19 I Mbila, mwamona muno lucelo, nailembwa pano pacipampa cafita. Yena ilifye iyakulenga, ukulondolola ilyo Ndetwalililapo, ukwisha ukuleta ico mufwile mwakutuluka paco Ine nde esha ukulandapo.

20 Kabili ili *Imilungu Amakumi Cine Lubali Yakwa Daniele* lyaliba lisambilisho limo ilikalamba, inshiku shibili akasuba ne nshiku shibili ubushiku, mupepi, Nalifika, pampela ya mulungu pano, Naliba pali ico cine, ukwisha ukufwaya amashiwi ayakulanda i Cine. Cena cifwile ukuba icapashanishiwa na Baibele yonse. Mwamona? Iwe teti ucibulefye Cena, nokubulafye i Lembo limo ilinono nokulenga u—ukwiluka, kabili nombamba nokulanda ukuti, “Ukuba, ici eco calanda,” kabili waisa pilibuka nokulanda ukuti, “Ukuba, lelo pano Cena—Cena calanda icintu cimbi, calipusanako kuli *ici*.” Ico teti cicite ico. Cena cifwile ukulanda icintu cimo cine inshita shonse. Nga cakutla taucitile ico, mulandu nshi, ico, nombamba ninshi

iwe—ninshi iwe naulufyanya. Kabili iyoine enshila iyo Naba uwakufundilamo Ico.

²¹ Kabili munshila imbi, pama tepu, cena caba pama tepu, icakususha icikalamba ico Nakwata pama tepu, kuba bwananyina bandi kulya konse kuncende isha lekana lekana mwisonde, kucetekela mukusenamina kwakwa Lesa, ukuti Mfundisha munshila iyo Ncitolamo, ukuti, “Ifwe twamwenenwe libela iyo isonde talila tendeka.”

²² Bamunyinane bandi abamu Pentecosti, ifyo fine, Nalishiba ukuti ukulanda kwenu kwaiminina pamafunde, mwamona, kabili Na—Nalishiba ukuti cakumilenga ukumfwa ububi panono ku kulanda kwenu. Lelo bushe imwe, nga bamunyina abena Kristu, bushe kuti mwapela ukusuminisha ukwalinga kuli ico ukuba pama kufi yenu kuli Lesa, na Baibele yenu, nokwipusha Lesa ukulondolola ico kuli imwe? Bushe kuti mwacita ico? Bushe kuti mwasenda icikomo ca mafunde kabili nokweshwa ukucampanya cena ukufuma ku Kutendaka ukuya ku Kusokolola?

²³ Kabili, “Ulubuto lwansoka,” lulya elwipayay; abantu abengi tabacetekela ico. Lelo, nga cakuti mwabelengafye mu Kutendeka, Baibele itila ukuti insoka yalikwete ulubuto. “Kabili Ndi nokubika ubulwani pakati ka lubuto lwansoka no Lubuto lwa mwanakashi.” Eico, insoka yalikwete ulubuto. Kabili ngo lubuto lwansoka lwali ulwabumupashi, nomba ninshi Yesu taali umuntu, eico u Lubuto lwa mwanakashi lwali ulwabumupashi. Bonse babili balikwete ulubuto, kabili ubulwani epobucifi. Insoka yalikwete ulubuto. Kabili nga cakuti mwasendafye Baibele yenu, nokwikala panshi nokuba nomucinshi nganshi kuli Lesa, Ndecetekela Lesa ali nokucisokolola kuli imwe.

²⁴ Kabili nga tamukutulwike ico, Ine—Ine epondi, inshita iili yonse, ukucita icisuma namaka yandi yonse ukumyafwilisha, ukupitila muli kalata nangu ukupitila—nangu ukupitila mukulanshanya nangu mucintu conse ico Ningacita mukumyafwilisha. Ifyo fine, twaliluka ukuti ico tacipususha umuntu, nangula cena tacisuusha umuntu, lelo cena ciletafye u Lubuuto pe sambililo ukuti ifwe bonse tuleesha ukulenga abantu ukucimona. Mwamona? Cena ciletafye u Lubuuto.

²⁵ Nomba, kwibumba ililemoneka, Nacisosa ifi pamulandu wama tepu, mwamona, kabili aya ama tepu yaya konse, ukuli konse.

²⁶ Nomba natukontamike imitwe yesu pakashitafye akanono, ilyo tatulapalama ku Mwine waici Cebo. Kabili nibanga mwi bumba muno lucelo abakwete ifyakukabila, ukusosafye ukuti, “Ndekabila. Mwe Lesa, mbeleleni uluse?” Shikulu Apale. Kabili kuli abo abali nokumfwa kuli tepu, ilyo mwaumfwa kuli yena, lekeni Lesa apele kucakulomba cenu.

27 Taata Wesu uwamu Myuulu, ifwe fwe bantu tuletotela, cibe twaba abantu abashafikapo. Lelo twapalamina ku Cipuna Cenu icakusenamina mu lucelo, pantu natwitwa ukwisa. Yesu atile, “Imwe mwipushe Taata pacintu icili conse mwi Shina Lyandi, Ndi nokucita ico.” Nomba, twalishiba ukuti ico cacine.

28 Kabili muno mwibuma, kabili kunse mu—mu calo umo ama tepu yakaya, kukaba nalimo imyanda amakumi iyabena Kristu abafyalwa cipya cipya abakomfwa ici. Kabili natwishiba, Taata, ukutila ilyo twafyalwa cipya-cipya, ukutila umupashi wesu ulafyalwa ukufuma ku Muulu. Wena Mupashi wakwa Lesa, Mupashi wa Mushilo, pali ifwe. Kabili twailuka ukutila uyu Mupashi wa Mushilo wa maka yonse kabili kuti atucitila icintu icili conse ico tulekabila ukuti cicitwe. Nomba, Taata mweba mu Myuulu, tuleipusha Imwe ukuti tulekeleko ici icicetekelo cesu ukuya kuli ulya Mupashi, ukuti Wena wingaba uwakutucingilila muno lucelo, kabili kubukata bwa Bufumu bwakwa Lesa, fyonse ifi ifyakwipusha nokukabila, ukwakuti twingondapwa kuma lwele yesu nakufya ku pakaswa fyesu, ukuti twinga bombela Lesa wesu nafyonse ifyaba muli ifwe.

29 Isuleni amatwi yesu ayaku kutuluka ileelo, kabili ngefyo Nde esha ukuleta ili ilipusho ilikalamba, nokuwamya ico mumatontontonyo ya bantu. Nomba, Ninemba ico pano, Shikulu, pe pepala, kabili pamo ninenga pali ici icipampa icafita, ici icakukonka, lelo cili mukupwililika icishafikapo mukulondolola ico. Nomba twaita pali Imwe, Shikulu mukalamba Mwebalemba i Cebo, Mwebasubile Cena, Mwebacipele Cena kuli kasesema Daniele. Kabili twapepa ukuti Imwe mwalatuma ukusubwa muno lucelo, muli shino nshiku shakulekelesha, nga fintu Ena alanda ukuti i Buuku lili nokwisalwa mpaka na ino nshita, ukutila Imwe muli nokwisula uku kutuluka kwesu. Kabili lekeni mube incende iya nakilila mu mitima yesu ukutila icicetekelo cesu cilenge i Cebo ukwikatilila kabili no Mweo, kabili nokuleta ifimuti fyabulungami mu myeo yesu, ico Cena cilefwaya ukucita. Icicetekelo cesu muli Lesa, lekeni cicingilile ico pali ifwe muno lucelo. Pantu mukuicefya twalolela nomba, nokuibika ifwe fwebene kuli Imwe, mwi Shina lyakwa Yesu Kristu. Amen.

30 Nomba, tuletotela pali luno ulucelo, panshita iikalamba kabili iyakwisula aya amabuula aya Cebo cakwa Lesa ica Muyayaya.

31 Nomba, umulandu untu Ine ncibulile palwandi ukweshwa ukulondolola ici, nipamulandu wakuti ifwe tulepituluka mwi Buuku lya Kusokolola, nokusangafye inkulo shama chalichi cine lubali. Kabili, nomba, pampela ya chapitala 3 uwa mwi Buuku lya Kusokolola, i Chalichi ca sendwa ukufuma pe sonde, ukuya mu Bukata. Kabili Nde esha, nomutima wandi onse, ukuleta ici kubantu, ukuti bena bale enekela icintu cimo ukucitika, ico bena bamona icalembwa mwi Buuku lya Kusokolola, ilyo cena

tacali ica nkulo ya chalichi. Kabili natufika ku mpela ukucila ifyo tuletontonkanya.

³² Inshiku ishinono ishapitapo, Billy, wandi...Nangu, umupongoshi wandi umwanakashi, ukucila, anjatile, mubushiku, kabili atile kwali umwaume uwe shina Iya Andy Herman, uyo umufyala wandi, ukuti alele, alefwa mucipatala. Naile ukuya muku mumona. Bamupele umuti, Ine...uwingi nganshi, ukuti ena alelefyey, kabili Nafililwe ukulanda na ena. Ulucelo lwakonkelepo...Naipwishe Lesa ukumusunga ena uwa mweo mpaka Ninga mumona. Andy muntu umo umusuma, lelo ena talifye umwina Kristu. Ena tali yaama; mufyala, aupa umufyala wandi.

Kabili nomba lintu Mayo senge Ade anjebele, uwiminine palya, atile, “Billy, ena imyaka yakufyalwa yonse iyi amakumi cine konse konse iya mweo wakwe, ena tabombelapo Lesa. Lelo,” atile, “imilungu inono iyapitapo aikele mu ng’anda...” Ena, nemyaka yakufyalwa amakumi cine konse konse, ifyo fine, ena tatalile abombapo umulimo wamaka. Lelo atile...

Ena anjatile nokutila, “Ade, nawishiba icilipo? Kristu acisa kuli ine pano, ama minetifye ayanono ayapitapo.”

Naloleshe pali ena, natile, “Andy, iwe—iwe...Bwafya nshi ukwete?” Ena atile...

Ena atile, “Iyo. Ena aciminina pano pene kuli ine, kabili Ena acilanda icintu cimo.”

Nacitila, “Cinshi ico Acilanda?”

“Yena inshita naipwa ukucila pafyo uletontonkanya.”

³³ Mumilungu inono ukufuma palya, imilungu ibili nangu itatu, alefilwa ukwenda kabili alele uwabulebe mulya mucipatala, alefwa. Natile, “Mayo senge Ade, cansoni pali iwe pakukana njita nangu umuntu umo, pakutila kwaba ukupekanya umutima wakwe kunshita intu afikilepo.”

³⁴ Naipwishe Shikulu mulucelo lwakonkelepo, lintu Ine...Ena alefilwa ukulanda, eico Ine namwipwishefyey. Natile, “Bushe uleng’umfwa ine, Yaama Andy?” Kabili ena—ena alesumina ukubomfya umutwe wakwe panono nokusunkanya incendwa shakwe. Namupepeleko, kabili nokumulenga ena ukutumbula imembu shakwe kuli Lesa. Nalefwaya ukumu batisha, kabili Mayo senge Ade nao alefwaya ukubatishiwa.

³⁵ Kabili Naile mucikulwa icikalamba, ukuya mona namayo umunono umwina mupalamano pano, ukuti bena balefwaya ukumutuma kucipatala camashilu, kabili Shikulu acitile umulimo uukalamba kuli ena, abwelela napa ng’anda.

Nomba, ilyo naleya mu musebo, Nakumenye nkashi uwafita, kabili atile, “Bushe teiwe Munyina Branham?”

Natile, “Nine.”

Atile, “Bushe ulenjibukisha ine? Nine Misisi Drye.”

³⁶ Kabili Natile, “Ee, Nincetekela Ninkwishiba. Pete Drye nabonse.” Natile, “Ee, Nde—Ndekwiwukisha iwe.” Ena aloleshe mu muputule, kabili lintu acitile ico. . . Nasungwike umulandu ena alandile ico. Kabili, kulya, Yaama Andy aimineko mubusanshi, kabili nokwikalako kulya, ale ensha amaboko neminwe yakwe ngo muntu onse umbi, ukwasha ukubula icintu, palya pene pabusanshi, icakuti afume mulya nokuya. Nomba bena bakesa mukubatishiwa mwi Shina lyakwa Shikulu Yesu, ena nomukashi wakwe.

³⁷ Eico, lelo cinshi eco Nalandile ico ukuti, yena inshita naipwa ukucila pafyo tuletontokanya. Kabili Nincetekela ukuti iyi *Imilungu Amakumi Cinelubali Iyakwa Daniele* yala leta ico kuti ifwe tukutuluke.

³⁸ Nomba, abengi ba munyina wesu mu Pentecosti, ico Nacilanda mukubangilila pali tepu ukuti bena balakanako kuli Ici. Bena bafwaya icintu icikalamba, ica maka icinga citika. Kabili, mwe babwananyina bandi, nga kuti mwakutika mupepi bwino bwino, kabili teku. . . kabili kutikeneni, mulesanga ukuti ukuti cilya icikalamba, icintu ca maka nganshi cena calipita. Yesu ali mupepi ukubwela.

³⁹ I Chalichi cilefuma mu chapitala 3 uwa Kusokolola. Tapali icintu nangu cimo icalandwapo, lelo ukutilafye icintu cakulekelesha yali ni nkombe yakulekelesha iya nkulo. Nomba, tulelolesha paba Yuda mpaka ukubwela nakabili pamo na Nabwinga, mu chapitala 19. Ukufuma mu chapitala 6 ukufika ku 19 ba Yudafye beka.

Kabili apa epo Ndefwaya ukwisa kuli munyina wandi umusuma pano munshita ya ifi Ifikakatikilo, Munyina Wood, uyo uwali kale Inte yakwa Yehovah, ena kabili nolupwa lwakwe lonse, pano muno lucelo, ukutila balya “umwanda umo namakumi yane na ine” tabali, kabili tacakwete icintu nangu cimo icakucita nabena Fyalo. Bena ba Yuda. Mwamona? Kabili te Mubili wakwa Kristu uwankama pe sonde ileelo.

Nabwinga ni ulya u Mubili uwankama. Ukupitila muli Mupashi wa Mushilo untu ifwe tubatishiwamo ukwingila muli ulya u Mubili wankama.

⁴⁰ Nomba, natwishiba ukuti mwi Buuku lyakwa Daniele pano, apa apo twacila belenga, twalabelengapo nakabili pantu cena Cebo Cakwe. Muli chapitala 9 uwakwa Daniele, versi 24.

Imilungu amakumi cine lubali eyabikilwe pa bantu bobo kabili umusumba obe uwa mushilo, ukupwisha ukulufyanya, . . . ukulenga ulubembu ukupwa, kabili ukulenga ukuwikishanya ukwamampulu, nokuletamo ubulungami ubwa muyayaya, kabili nokukakatika icimonwa nobusesemo, kabili nokusuba uwa Mushilo wapulamo.

Versi 25, “Kabili eico ishibeni noku kutuluka, ukuti ukufuma . . .” Nomba, kabili ico eco twale landapo, kabili ico eco twashalikishepo pa Mulungu ubushiku bwafumineko, “ukusuba uwa Mushilo wa pulamo.” Kabili pano epo twalatampila muno lucelo, pa versi 25. “Kabili eico . . .”

Eico ishibeni noku kutuluka, ukuti ukuya ku ntashi ukwama funde ayakubwesha noku kula cipya cipya Yerusalem (uyo “emusumba wa mushilo wenu,” mwamona) ukufika . . . Messiya i Mfumu cikaba imilungu cine lubali, nama kumi mutanda nemilungu ibili: kabili nomusebo ukakulwa cipya, nefibumba fyelinga, kabili nangufye munshita shamafya.

Kabili panuma yamakumi mutanda nemilungu ibili Messiya akepaiwa, lelo tepa lwakwe: kabili na bantu abakwa cilolo abo abakesa bakonaula umusumba nomwashila; kabili nempela eico ikaba iya lyeshi ilikamba, kabili ukufika nakumpela nabulwi amapopa eyakabako.

“Kabili . . .” Nomba, ibukisheni, iyo empela yabulwi. Natukwata ico pacipampa pano. “Kabili,” nomba twalatampa icintu cimbi.

Kabili akashininkisha icipangano nabengi pamulungu umo: kabili pakati kamulungu akabikapo ilambo nefya kupangwa ukuleka, kabili napakusalangana kwafya muselu ena akafipanga amapopa, nangufye ukuya kukupwa kwa nshita, (epela, fyonse), kabili nafilya ifya pangilwe fika pongololwa pafya mapopa.

⁴¹ Oh, we sambililo we! Nalandile kumukashi wandi ubushiku bumbi, “Ndesunguka nga cakutula abantu icine cine baleumfwa ici.” Nomba, Ndefwaya imwe mumfwe ici. Tamufwile . . . Nga cakuti imwe, mulefwaya twikale pano akasuba konse, natwikalefye. Nomba, ifwe—ifwe—ifwe tulefwaya ukumfwa ico. Mwamona? Ifwe—ifwe tulefwaya ukwishiba ukuti ico e Cine. Kabili, imwe, nga kutifye mwacimona ico! Kabili Nalamwipusha, limbi . . .

⁴² Kabili nomba, panuma, Nalasha ici icilengelwe icikobeme pano, kabili imwe—imwe kuti mwacilenga cena, panuma. Kuti mwaisa muno cungulo kasuba, inshita yonse mulefwaya, nokulenga ifilengelwe nefya konkapo. Cena cile afwilisha imwe uku kutuluka. Uyo wine emulandu Mbikile ico palya, pakuti imwe mwinga kutuluka ico.

⁴³ Nomba, natupitulukemo panono pakutula tukwate apakutampila. Nomba kwali . . . Daniele alisakamene palwa bantu bakwe, pantu alibelengele ifyakwa Yeremiya kasesema, kabili nokwiluka ukuti Yeremiya alandile ukuti bena bakaba muli bunkole pamyaka amakumi cine lubali. Kabili nomba, alimwene ukuti bena kale kale bali muli bunkole pa myaka

amakumi mutanda na cine konse konse, eico alishibe ukutila inshita yalifikile. Eico abikile lubali umulimo wakwe onse, abongolwele panshi, nga fintu cali, nafyonse ifyakulilwe ifya mulimo wakwe ubwacila bushiku. Aloleshe impumi yakwe kuli Lesa, afwele insamu nemito, kabili aingile na mukufunga ifyakulya no kupepa, ukuti ena limbi enga kutuluka lintu ilya nshita ikaba. Nomba tulesanga, nga fintu Nandile kale. . .

(Bushe kuti mwapilibula ico ukucishingulusha ukulola *kulya* lubali, panonofye?) Icakuputa umwela, cena nacikulisha nganshi. Cena cilelenga ine ishiwi ukusasala. Nomba... (Natotela, munyina.)

⁴⁴ Nomba, ukuti twasanga ukuti, Daniele, alefaya ili ilyashi pa bantu bakwe. Kabili Ndetontonkanya, nga cakutila Daniele, abelengele ifya lembele ba kasesema kunuma yakwe, kabili akwete umusango waku kutuluka uwaba ifi, ukuti ena ali ku mpela, kabili alefwaya Lesa, ukufwailisha umusango wampela ifyo yali, nomba Ndetontonkanya ifwe tuli abalungamikwa, mukumona ukuti ifwe tuli pampela yamusebo nomba, ifwe tatufwele insamu ne mito, lelo kuposafye fyonse ifintu fya mwi sonde, namasakamiko yesu ayabwikashi buno, nokufwaya Lesa, ukwishiba ubushiku ubwa mu mwaka ubo tulimo, pantu natumona ukutila tuli pampela, kabili eico i Chalichi cili nokufunga nokupepa nokuba abaipekanya. Emulandu wine Nacicibikila pali ine nemwine... Ukukana ishiba ifyo ici cingalondololwa, pantu Ndacipitilila cila nshita, kabili nokutila, “Yena imilungu amakumi cine lubali iyakwa Daniele,” pantu Naine nshalecikutuluka ico. Kabili uyo wine emulandu Ncibulile palwandi nomba, ukweshwa ukulondolola cena. Kabili Nincetekela, ukupitila mukwafwilisha kwaka Shikulu, Ine ndecicita nokusenamina Kwakwe, ukucileta apo cena, ukulangisha imwe ifyo tuli abapalamina ku Kwisa kwakwa Shikulu.

⁴⁵ Nomba, Daniele alifye mummyaka ibili. Nomba tulesanga, ukuti, ilyo ena alepepa, Malaika, Gabrielo, aangufyene ukuya kuli ena; kabili te ku kulondololafye kuli ena lintu abantu bakwe bali nokufuma muli bunkole, lelo, pamo, na fyonse ifyo ifyacitilwe pa bantu bakwe, nafyonse ifyo ifyali tafilati fifike pa bantu bakwe. Ena atile, “Ilya e milungu amakumi cine lubali iya sheleko kuba Yuda.”

⁴⁶ Nomba, tulesanga ukuti, Ena alikwete imiku mutanda ubwiminishi. Kabili umo pali ubo, bwali kupwisha kwa lubembu; kabili—kabili ukulenga ulubembu ukupwa; ukupanga ukuwikishanya palwa ma mpulu; ukuleta ubulungami ubwa muyayaya; uku kawatika icimonwa nobusesemo; nokusuba uwa Mushilo wapulamono.

⁴⁷ Kabili twabulile, mulucelo lwa Mulungu wafumineko, Daniele mumibele yakwe kulya, alepepa. Icingulo kasuba ica

Mulungu wafumineko, nalepela Amalembu, pakutila abantu baya cibelenga lintu baya ku ng'anda. Bushe mwalibelenga ico? Bushe mwaliicitemwa ico? Cisuma!

⁴⁸ Nomba, imiku mutanda ubwiminishi. Kabili tulesanga ukuti, pali ubu ubwiminishi bwalenga mutanda, “ubwakusuba uwa Mushilo uwapulamo,” tulesanga ukuti “uwa Mushilo uwapulamo” lyonse ena aleimininako i Chalichi, i Hema. Kabili icintu cakushalikisha icakucitwa, ca kusuba uwa Mushilo uwa pulamo, ico e Hema ilya myaka Ikana limo iyo ali Ena ali nokwikalamo munshita ya myaka Ikana limo, iyo eyo tukekalamo.

⁴⁹ Nomba, ileelo, nomba tulepalamina, “Bushe imilungu sebente nicinshi?” Kabili ici cipandwa icikankala nganshi, imilungu amakumi cine lubali.

⁵⁰ Nomba, natwishiba Amalembu tekuti yabepe. Yena yafwile ukuba aya Cine. Kabili nga cakutila uyu Malaika Gabrielo aisa nokweba Daniele ukuti kushelofye imilungu amakumi cine lubali iisheleko kuba Yuda... Nomba, kuti twacita ico ukuti ninshiku mutanda... nangu umulungu wanshiku cine lubali. Lelo, mubusesemo cena lyonse cipelwa mumilumbe.

⁵¹ Kabili eico, takuli ukutwishika ukuti ukuya panshi mu nkulo, kwalibako imiku imyanda ne myanda iya bantu, bakasambilila, abantu abatuntulu, balesha ukulondolola ifyo iyi imilungu cine lubali yali. Kabili Nalibelenga ifingi ifya kulandapo kwabo pali ico. Kabili Ndetotela apakalamba nganshi pali Mista Smith, uwaku chalichi cape Sabata, pafya kulanda fyakwe. Ndetotela apakalamba nganshi kuli Dokota Larkin, pakulanda kwakwe. Ndetotela bonse bakasambilila mukalamba, pakulanda kwabo konse pali ico. Kabili mukubelenga fyena, fila mpuputula mukwishiba kwandi apakalamba nganshi, ukutila Ndasanga ifipanda filya ifimoneka ifyalungama. Lelo kukwatamo ifyalandwa ifyo Nto—Ntonkanya ukuti kuti Nafilondolola, Nafwailishe ukupita muma encyclopedia, ya “nshita,” ukwishiba ifyo “inshita” cipilibula.

⁵² Kabili tulesanga pano ukuti, twalikwata “inshita, inshita, nokwakanya kwa nshita.” *Inshita* ni cinshi? *Umulungu* ni cinshi? Nomba, ico cali amakana yatatu, amakana imyanda iine ne myaka amakumi yatatu iyapitapo, ukutula apo ici catampile, ukutula apo Lesa atampile ukubomba pamo naba Yuda; ingi, ingi imyaka yapitapo. Daniele ali mu B.C., kabili ilya nshita yali B.C. 538, 538 imyaka ilyo Kristu talafyalwa, lintu alandile ici palwa “nshita, inshita, nokwakanya kwa nshita.” Kabili, imilungu amakumi cine lubali, lolesheni apo imilungu amakumi cine lubali ya mutwele. Mulandu nshi, ena ali acili mu Babyloni, mu milungu amakumi cine lubali, kabili cibe Lesa alimwebele ukuti ilya ni nshita ilya iyabikilwe pa bantu.

⁵³ Nomba, ichalichi candi pano calishiba ukuti ukupita mu myaka yonse Nalimyeba, “Ngamulefwaya ukwishiba ubushiku ico cabamo, mufwile mwalolesha pali calendar. Lelo nga mulefwaya ukwishiba inshita iyo ifwe tuleikalamo, moneni balya aba Yuda.” Yena enshita yakumwenako. Lesa tabikile iyo—iyo inshita shimo ku bena Fyalo; takwaliko incende ya nshita. Kabili apo epo Ntontonkanya ukuti abengi bakalemba bakalamba pacisakenye cena conse, kabili bale esha ukubika ici kuba Yuda nabena Fyalo, pantu Ena atile, “Bantu bobo.” Lelo Ena alelanda kuli Daniele, teku Chalichi; noku bantu bakwa Daniele, aba Yuda. Nga cakutila Alelanda ku Chalichi, imwe tekuti muleke ico ukufika nangu pamo; imwe muli—imwe muli kunumafye kulya, nangu fye ilyo Kristu talaisa. Cena kuti cakana nokufika mumisango yonse iya milungu yabusesemo iyo imwe mwalefwaya ukubikamo. Yena kale yalipwa. Lelo Ena alelanda kuba Yuda, eico nomba aba Yuda enshitafye yabikwa iyakwa Lesa.

⁵⁴ Kabili ibukisheni pano, tapapitile inshita, lintu Munyina Arganbright, uwaku California, inkonkani pali kateeka iya Kabungwe ka Fyalo fyonse aka ba Shi Makwebo ba Mbilansuma Yapwililka, aishile ku ng’anda yandi nokuleta u-ulya tepu; kabili teulya tepu, lelo ni—nifilimu yabunkolanya, iyo bena...iya *Three Minutes Till Midnight*. Iyo iyafumine mufya kufwailisha ifya science. Lintu Namwene balya aba Yuda balebwelelamo ku Yerusalemu, Naishile kuno kwi hema, kabili Natile, “Ndeumfwa kwati Ninkwata ukubweshiwa nakabili.” Imwe mwebengi muleibukisha ico. Natile, “Ukumona balya aba Yuda balebwelelamo!”

Yesu atile, muli Mateo chapitala 24, “Lintu mwamona umukunyu walemba amabula yauko.” Imwe namwishiba ico mulefwaya, mwamona, aba Yuda ninshi balebwela!

⁵⁵ Nomba, Ninkwata fimo ifilembelwe pano. Ndefwaya ukuya muli ifyo. Nomba, nomba, Nde—Ndeya panono, eico pakuti naimwe mwafilemba ifyo. Nomba, fyonse ifi filecitika, ifi... Nomba ifwe...Ukukonka namunshita intu tulimo nomba, fyonse ifi filecitika ku...Fyena ba Yuda; tafikwete nangu cimo icakucita ne Chalichi, nakalya. Icili conse ukufuma mu Kusokolola chapitala 3, ukufika naku 19, tacikwete icintu nangu cimo icakucita ne Chalichi. Teti mucilenge ukufuma icalungama. Cena tacilipofye palya.

⁵⁶ Nomba Ndefwaya ukulondolola ifyo Nasangile ici. Nomba, pacipampa, mwebengi imwe mwalamona ukuti Ninenga, ukupatukanya inshita, ifyo cisa mucifulo, pakutila cingalengwa ukuti uuli onse kuti aumfwa. Bushe imwe... Imwe teti mucimone ukufuma kunuma, Ndemona, filembo ifinono nganshi. Kabili filya filemoneka fyakwa Becky. Natontonkenye...Kabili, cilya icikope, Nalikwete cimo icabipisha ukucila cilya. Lelo, Becky acilengele cilya,

icimpashanya caciloto cakwa Nebuchadnezzar. Kabili Ndetontokanya cilemoneka saana ngo mukashana, Becky, ukucila ifyo umwaume enga cita. Lelo, nangu cibe ifyo, cena cili—cena cili nokupela ilyashi, ifyo tulefwaya.

⁵⁷ Nomba, nga twabelenga muli Baibele ukutila kuliko imilungu amakumi cine lubali iyalingilwa pa bantu, nomba, i . . . tacakwataponnecakucitapo ne Chalichi. Imilungu amakumi cine lubali tayakwatapo icakucita ne Chalichi. Nga mwalolekesha pano, pacilengelwe, Ninkwata inshita ya chalichi pakati kailya imilungu amakumi cine lubali.

⁵⁸ Natucikwata kuno lubali. Munyina umu kulya ku Georgia alitulengeleko kuno lubali, ilyo twalepita munshita shama chalichi. Kabili tuli abashininkisha ukuti twailuka ifyo ici cilepilibula. Uku ukubuuta mu chalichi muno, cilya cilepilibula lwali lonse ulya butumwa. Elyo kabili munshita ya chalichi ca cibili, balikwete isambilisho iyabena Nikolaito, nangu, balikwete imilimo iyabena Nikolaito; talyaishileba isambilisho. Inshita ya chalichi yacitatu, caishileba isambilisho. Kabili munshita ya chalichi iya cine, calibunganishiwe, kabili cali ici Roma cabu paapa. Kabili mu—munshita ya chalichi iya cine, ilya yali ni nshita ya mfifi.

Moneni, inshita yonse iya mfifi palya imininako ubwina Nikolaito, nangu ubwina Roma. Iciputulwa ca buuta cileimininako Mupashi wa Mushilo, i Chalichi. Kabili, ngefyo cali ukutendeka munshita yakwa Paulo wa Shila, conse i Chalichi caba tumwa cali icaisushiwamo na Mupashi wa Mushilo. Elyo abakankala batendeke ukwisamo. Elyo bena mukulekelesha baishile ampama pamo nokupanga ichalichi icituntulu ukufuma muli cena. Kabili aka chalichifye akanono kalyocelwe, nokupolwa amabwe, nokulishiwa ku nkalamo, nefintu fyonse.

⁵⁹ Mu Kucinja kwaishile Luther, ukubutishako panono, mwamona. Munsiku shakwa Wesley, kwaletelwemo ukubutako panono lilya. Lelo munshita ya chalichi icakulekelesha pano, inshiya ya chalichi cabena Nikolaito, ilya e nshita ilyo ifwe. . . Tebwina Nikolaito, lelo Laodecea, iyo enshita iyo tuleikalamo. Moneni, tamuli u Lubuuto ulwingi.

⁶⁰ Umo umuntu, ilyo bamwene ukulengwa kwa cena kulya lubali, atile, “Casoni kuli iwe, Munyina Branham! Buno bushiku ubukalamba ubwaku kupuluka!”

Natile, “Ndeingililamo, lintu cena caletwa panshi, ico cena tacileta icisuma, lintu iwe waba uwabuuta ukupwililika mu mutima, uwafyalwa cipya cipya ku Mupashi.” Ibukisheni, iyi yalifye inshita ya chalichi yeka iyo Kristu atamfiwe ukufuma mu chalichi Cakwe Umwine, ulwa bonse pali fyonse muli bena. Natukwata ukulanda kukalamba, lelo, “Bushe twalikwata

iciputulwa cesu?” ico eco tulelandapo. Bushe Kristu icine cine aali mu chalichi? Cena cili nokuba abanono nganshi.

⁶¹ Nomba, nomba katutantike imilungu amakumi cine lubali iyakwa Daniele. Nomba kuti Nabwekeshapo nakabili pano; bakapyunga ba Mbila nsuma, nga mwakana ukusuminako kuli ici, cisuma. Fyena fyalyakanishiwa mu nshita shitatu, nga fintu tulesanga muli Daniele 9. Inshita shitatu. Mukubalilapo, iciputulwa ica milungu cine lubali; elyo ica makumi mutanda na ibili, ico caba amakumi mutanda na fibili; elyo kabili iciputulwa ca mulungu umo. Shena shalipatulwa mu fiputulwa fitatu ifya nshita shalekana lekana.

⁶² Nomba, Ninjakanya pano pa cipampa. Inshita ya kubalilapo; iciputulwa ca cibili; kabili kukwiluka kwandi, ku Mbila nsuma, ku Mupashi wa Mushilo, ukuti, inshita ya mpela, Lesa akabwekela nakabili ku ba Yuda.

⁶³ Nomba, twalishiba, mu Mbila nsuma shonse isho Paulo asambilishe, na bambi, ukutila Lesa akabwekela nakabili ku ba Yuda. Ukuba, nomba, nga cakutila Ali no kubwekela nakabili ku ba Yuda, kuti twacibika shani kunuma mu nshita yakwa Daniele? Tulingile ukucibika muli iyi nshita ya kulekelesha. Kabili ni panuma ilyo i Chalichi ca bena Fyalo naciya, pantu Abombele na Israeli nge calo, ifwe ngo muntu umo.

⁶⁴ Nomba, Ninkwata fimo ifilembelwe pano ifyo Ndefwaya ukubelenga kuli imwe ilyo tuletwalililapo. Nomba:

...ukuya kwefunde lya ku kula cipya cipya Yerusalemu...

Ico, cali ni pa bushiku bwa 14 muli Kutumpu. Nga cakutila umo muli imwe alefwaya ukulemba ico, mu ci Hebere mulesanga cena citwa *N-i-s-a-n*, *Nisan*, ico icilepilibula “Kutumpu.” Ici icipope capelwe pa bushiku bwa 14 muli Kutumpu, v.c. 445, icipope catwalililepo icakukula, ukukula cipya cipya itempele. Mulekutuluka ico, nga fintu imwe mwebantu mwabelenga Amalembo. Mpaka cena capwa, casendele imyaka amakumi yane napabula ukupwisha itempele no musumba, ukukula cena cipya cipya. Kabili nga fintu Baibele yalanda pano, Daniele ewalelanda, nangu Malaika kuli Daniele, ukuti:

...ifibumba, kabili cili nokukulwa mu nshita sha bwafya.

Kabili fwebengi ifwe tuleibukisha, ilyo lyakulilwe, balikwete itafwali mu kuboko kumo no lupanga muli kumbi ku kumona abalwani. “Kabili ikakulwa munshita sha bucushi.”

⁶⁵ Eico, apa epo Nasangile cilya, ukusende nshiku shandi. Nomba, tukwete yabili, yatatu ama calender ayapusana. Tubwekela kuli calender uwa kale uwa fya ntanda, kabili tulesanga ukutila muli calendar ya Julian mwaba inshiku imyanda itatu, amakumi mutanda na fisano kabili ubushiku

bumo ubwa shine mu mwaka. Ba tantika cilya pakupita kwa Sardis nentanda ishalekana lekana, nafimbi po. Batantike cilya. Nomba tulesanga, muli calendar wa ci Roma uo twikalilamo nomba, inshiku imyanda itatu na makumi mutanda na fisano mu mwaka, kuli calender. Lelo mu ya bwina Kristu, atemwa calendar uwa busesemo, tulesanga ukutila mwaba fye inshiku imyanda itatu na makumi mutanda mu mwaka. Nomba, imwe limbi kuti mwasunguka ifyo ici cimfulunganya caishile.

⁶⁶ Nomba, ici kuti Nasosafye ne mwine ukulanda. Ndecetekela ukutila kunuma ilyo takulaba ukonaulwa kwe lyeshi, kunuma mu nshiku shakwa Yobo, nafimbi po, ukutila basungile inshita ku ntanda. Kabili tuleumfwikisha, nangu kunuma ilyo ilya nshita tailabako, ukutila isonde lyaiminine ilya ololoka. Kabili nomba mulubembu lwa muntu, ukufumishiwapo kwesonde mumaka, kabili lyatingeme ne lyeshi lyalishile, eico kanshi natukwata umwina uukalamba uwa menshi makasa, kabili nafimbipo, kabili pa mulu ponse na pesamba lye sonde paisula amenshi makasa. Twalishiba cilya. Kabili isonde talyaikala ilyatambalala. Lyaikala ilyatingama. Cilya calitenkenye ukufuma uko umweshi nentanda, kulya uko fyalemonekela, nokufisesesha pancende imbi lilya. Nangu—nangu, teti musunge inshita ukubomfya cena kabili, pantu likele ilyatingama, lyaikala ilyatingamina kunuma. Eico kanshi, cena tekuti cikatane na shilya intanda panshita imo ine, pantu cena cili—cena cili kunse ka mushilwa kuli shilya intanda. Muleumfwa? Ndecetekela cilya efyo cili.

⁶⁷ Cena calambalala filya fine muli ilya mibele. Kabili ico cilangishafye ukuti iyo ni nshitafye iyabikwa. Bushe tamulemona? Lesa takwata ifintu ifya fuma mu cishilwa. Alesuminishafye cilya ukubomba filya fine pa nshita iinono. Kabili Nalicetekela mucine ukutila cilya cintu calicitilwe.

Kabili muli ishi nshiku shakulekelesha e lintu Lesa aali nokusokolola ifi ifyankama ku Chalichi. Ena tacitapo ico kunuma. Kabili umulandu Ena tacicitila, caba ukusunga i Chalichi ukulola no kupepa inshita yonse, ukwabula ukwishiba ilyo cena caleisa. Lelo muleibukisha, muli Daniele 12, Atile, “Abamano bakashilimuka mu bwakulekelesha, muli buno bushiku bwa kulekelesha.” Mwamona? Cena calipelwa kuli ena.

⁶⁸ U Mupashi wa mano wisa mu Chalichi, ukulenga ukwishibikwa ku Chalichi, ukupitila mu busokololo bwa Mupashi wa Mushilo, ukuleta i Chalichi no kusokolola ubushiku ubo tuleikalamo. Nga filya finefye Gabriele aishile kuli—kuli Daniele, u Mupashi wa Mushilo waisa ku Chalichi mu nshiku sha kulekelesha, ukusokolola ifi fikalamba, ifya shika, ifintu fya nkama. Bushe muleumfwa nomba?

⁶⁹ Nomba, cilya kuti cafumyapo ulya umwaka wafya ntanda nangu umwaka wa Julian, kalenda , mwamona, umwaka wa

lubuuto, pantu isonde lyali tundama. Ifwe bonse twalishiba cilya, ukufuma mukusambilila ku sukulu. Kabili cena cili kunse kacishilwa, eico kanshi bena, shilya intanda, tekuti shipite mu mushilwa we sonde panshita imoine. Eico kanshi, calendar yaci Roma yalilubana, nayo, pantu tekuti musakanye pamo inshiku. Kulifye ifintu ifingi ifyo Ningalanda pano pene. Cilya tulesanga ukuti, nangu cifyalilwa cine, cilatusambilisha ukutila kwabafye inshiku amakumi yatatu ishalingana mu mwaka.

⁷⁰ Nomba, lekeni tubule Ukusokolola uko ifwe tuleya pano pene munshiku shaba kasesema babili. Baibele Itila, “Baseseme inshiku ikana limo nemyanda ibili nama kumi mutanda.” Nomba, buleni kalenda iya fya ntanda, yena kuti yapusa ici ukutali nganshi ukuba imyaka itatu na citika. Kabili buleni kalenda waci Roma intu twakwata ileelo, kuti wapusa ukutali nganshi. Lelo buleni kalenda wabusesemo, kabili mwabafye filya fine inshiku ikana limo nemyanda ibili nama kumi mutanda, munshiku amakumi yatatu mu mweshi. Mwamona?

⁷¹ Twakwata inshiku amakumi yatatu mu myeshi imo, amakumi yatatu na bumo muwakonkapo, amakumi yabili na cine konse konse muli imo. Mwamona, twabafye aba mucimfulunganya muli yonse. Lelo Lesa takwata yena iyapilingana, uku-no-ku, kunuma-na-kuntanshi. Alailenga yena ukuba filya fine umusango umu wine. Ee, mukwai. Filya finefye inshiku amakumi yatatu mu mweshi; te nshiku amakumi yatatu na bumo, nomba amakumi yatatu, icintufye cimbi. Mwamona? Lelo ifyo fyonse fyacitike mucipao icikalamba icakwa Lesa, mukulenga i Chalichi ukulalola nokupepa, ukuba abaipekanya, ukukwata ifyakufwala fyenu ifya sambwa mu Mulopa wa mwana wa Mpaanga. Lelo, oh, muli shino nshiku shaku shalikisha, Ena alaile! Uh-huh. Nomba twamona umu ifwe tuleikala. Nomba, ibukisheni, ukukabila, ukukabila kumo, kwakucita ici.

⁷² Nomba, nga cakuti kwali cine lubali. . .Lolesheni, shaba bwino bwino fye inshiku amakumi yane na pabula. . .imyaka amakumi yane na pabula, ukuba, munshita shaku kula itempele. Cine lubali, yaba milungu ya busesemo cine lubali, imilungu cine lubali, pantu kwaba imilungu cine lubali iyabikwa kwi tempele, uku kula itempele cipya cipya. Kabili lyena lyakulilwe bwino bwinofye mu myaka amakumi yane napabula. Nomba natukwata ubupilibulo ubwa nshita yamilungu, pantu nga cakutala Baibele yatile, Malaika atile, cena casendele imilungu cine lubali ukufika muku kula kwe tempele. Kabili cena cali bwino bwinofye imyaka amakumi yane na pabula ukukula kwe tempele, ukufuma—ukufuma muli Kutumpu pa 14 ukufika mu v.c. 5—538. Mpaka itempele lyabwelelepo nakabili, kabili nemisebo yabwelelepo, bwino bwinofye mu myaka amakumi yane-na pabula. Eico, cinshi ico twalakwata? Cinshi ico twalakata? Pantu, nga cakutila imilungu cine lubali ilepilibula

imyaka amakumi yane na-pabula, nomba umulungu umo ulingene nemyaka cine lubali. Kabili ni cine lubali ukutamusha na cine lubali icili amakumi yane na pabula. Ico nacilingana bwino bwino fye. Mwaumfwa imwe.

⁷³ Eico nomba tapali ifyaku tunganya palwa ico. Twaishiba nomba ukuti cila mulungu walepilibula imyaka cine lubali. Mwaumfwa? Natulande ico capamo: “Umulungu umo walingana ne myaka cine lubali.” Nomba twaishiba ukuti twasanga ico. Umulungu umo walingana nemyaka cine lubali.

⁷⁴ *Pano* twaishiba, pano pene, umulungu wakubalilapo. Imyaka amakumi yane na-pabula muku kula cipya cipya itempele. Nomba, uyu umushilwa uli pa muulu pano cileimininako icalo caba Yuda ilyo cileya mukwabuka. Ici cilifye ninshita. Kabili lintu cena caikilako pesamba pano, cena ninshi cafuma mu calo caba Yuda, ukuya munshita yabena Fyalo. Elyo uleya pa muulu nakabili no ku kumanya Israeli, kabili nokutwalililapo.

⁷⁵ Nomba, abena Fyalo tabapelwe inshita iili yonse iyabikilwe. Caalandafye ukuti, “Inshita yabena Fyalo.” Kabili tulesanga ukuti, nangu ni Yesu tabapele inshita. Pantu tulesanga ukuti pano, muli Luka 21:24, Ena atila, “Bena bakanyataula ifibumba fya Yerusalemu mpaka ukufika ku bena Fyalo...” Leken ing’ambule cilya. Nde ambula cena muca kwibukishafye. Leken mbelenge ico, pantu cileba muli tepu pano, kabili tulefwaya ukuba abashininkisha ukucibika icalungama. Nacilungama, nga mulefwaya tupilibule bonse kuli ico, mu Washila Luka 21:24. Nalibelenga ici mukumfwika bwino bwino, nga fintu Ningacita.

Kabili bakapona ku kutwa kwalupanga kabili bakasendwa ukuya...

Nibanani Ena alelandapo? ba Yuda. Cilya cali ekonaulwa kwe tempele, mu A.D. 70.

...kabili bena basendelwe ukuya muli bunkole mu fyalo fyonse:...

Nomba ibukisheni, tekuyafye mu Babyloni, tekuyafye mulya mu Rome, lelo ukuya “mu fyalo fyonse.” Apo epaba aba Yuda ileelo, “mu fyalo fyonse.”

...kabili Yerusalemu akanyataulwa panshi ku bena Fyalo, mpaka inshita ya bena Fyalo yafikilishiwa.

⁷⁶ Nomba, kuli inshita iyabikilwe, lelo takwaba nangu umo uwaishiba lintu yena ikaba. Mwamona? Cena ca nkama, mwamona, inshita ya bena Fyalo. Lelo, aba Yuda... Nomba, teti tulande inshita ukupitila mu Chalichi, nangula Cena kuti capona nangu nangula Cena ciletwalilila pantanshi, nangu ico Cena cilecita. Tekuti mulande ukupitila muli ico. Lelo, lolesheni paba Yuda, bena e calender ya nshita. Bushe mwacimona ico? Lesa apele bena bwino bwino ubushiku bumo, ora, ne nshita,

lelo Ena tatalile acita ifyo kubena Fyalo. Ena acitile kuba Yuda, eico natumone aba Yuda, nomba twalamona apo tuli.

⁷⁷ Nomba, nomba, imilungu cine lubali yali imyaka amakumi yane na pabula. Twacumfwa bwino nomba, ukuti umulungu umo waba—umulungu umo waba imyaka cine lubali; umulungu umo waba, imyaka cine lubali.

⁷⁸ Nomba nabatweba, “Ukufuma pakutumwa kwe funde . . .” Nomba, pano epo ubwafya bwaisa. Nomba nabatweba:

. . .*ukufuma pakutumwa kwe funde* ukwaku kula cipya cipya umusumba uwakwa Messiya (kabili Messiya ali ni Kristu, ngefyo fine) *cikaba imilungu cine lubali, amakumi mutanda ne milungu ibili*: (ukupanga imilungu amakumi mutanda-na pabula). . .

Mwamona? Nacilungama. Kabili cine lubali ukutamusha namakumi cine mutanda na-pabula cilepanga imyaka imyanda ine namakumi cine konse konse na-itatatu. Nomba, mwacumfwa bwino bwino ico? Nga mulefwaya ukupitamo muli cena nakabili, Kuti naba uwansansa ukucita ico.

⁷⁹ Nomba nabatweba, “Ukufuma mukuya kwe funde ilyaku kula cipya cipya umusumba, ukufika kuli Messiya, cikaba cine lubali,” (cine lubali, iyo eya kubalilapo—iyakubalilapo, pano pene) “imilungu cine lubali, kabili namakumi mutanda na fibili,” cilepanga, amakumi mutanda na fibili kabili cine lubali ni amakumi mutanda na-pabula, imilungu amakumi mutanda na-pabula. Cine lubali ukutamusha namakumi mutanda na-pabula cilepanga imyaka imyanda amakumi yane na makumi cine konse konse na-itatatu. Eico, mpaka ukufika kuli Messiya . . . Nomba twalaisa pali ici cipandwa *pano*. Mpaka ukufika pali Messsiya, pafwile paba imyaka imyanda ine namakumi cine konse konse-naitatu, imyanda ine namakumi cine konse konse-naitatu.

⁸⁰ Nomba, nomba, Yesu, Messiya, aininine pali punda ukuya mu musumba wa Yerusalemu, uwacimfya, naikala panuma ya mponglo ya buuta, cali nipa Mulungu wa Tuncindu, muli Shinde pa 2, A.D. 30. Yesu aninine pali punda ukwingila mu Yerusalemu wa Mulungu wa Tuncindu, A.D. 30. Kabili nomba, nomba, ukufuma mu B.C. 445 ukufika ku A.D. 30, nacilingana bwino ne myanda amakumi yane nama kumi cine lubali na-isano imyaka.

⁸¹ Lelo, nga fintu tumwene akale imilungu amakumi mutanda na-pabula cilepanga imyanda ine namakumi cine konse konse naitatu imyaka. Nomba, palya epo ubwafya bwaishile, palya pene. Mwamona? Tukwetefye, no kusuntinkanya kwa Baibele pano, inshita, imyakafye imyanda ine na makumi cine lubali na-fisano. Kabili, mucine, cena myaka imyanda ine na makumi cinekonse konse na-itatatu, ukupusanako ne myaka cine konse konse.

⁸² Nomba, Lesa teti abulishe ico. Nga cakutila Ena alandile ukuti cena cili nokuba inshiku shaba ngefyo, shena shifwile

ukuba inshiku shaba ngefyo. Nga cakuti Ena alanda ukuti shena shifwile shaba ishafula ngefi. Shena shifwile shaba ishafula ngefi? Nomba, mu B.C. 475 ukufika ku A.D. 30, shakwa Julian nangu imyaka yaba fya ntanda, tuli imyanda itatu na makumi mutanda na-fisano na kota imo iyabushiku muli—muli umo. Lelo ilyo twacefya shilye nshiku kuli calendar wesu uwa busesemo . . .

⁸³ Nomba lekeni njiminine pano pene pali miniti fye. Pakutila mwingeshiba ukwabulo kutwishika nangu panono, Ine tekuti nsendefye cilya icifulo cimo. Kuti na cipisha mu Malembo yonse no kushininkisha imwe ukutila inshiku cinelubali ni ilya cinelubali, umulungu umo caba—caba imyaka cinelubali, muli Baibele. Nacicilangishafye uku lubali, mu Kusokolola chapitala ya 13, nangu chapitala ya 11 kabili na versi 3. Balya bakasesema bakesa sesema ikana limo ne myanda ibili na makumi-yatatu, ico icaba pakati kamulungu wakulekelesha uwaba Yuda, nomba bena ninshi baipaiwa kabili na Armageddoni yaisamo. Kanshi nga cilya cili fyo, cilya cili palya nakabili, caba filya fine inshiku amakumi yatatu mu mweshi. Mwamona? Kanshi, tacaba—tacaba inshiku amakumi yatatu na-umo kabili inshiku amakumi yabili na cine konse-konse, kabili na fimbipo. Caba filya fine inshiku amakumi yatatu mu mweshi, cila nshita.

⁸⁴ Calendar wesu uwa busesemo aletuleta ku nshiku imyanda itatu na makumi mutanda, nge fyo tulebomfya nomba mu Malembo. Twalikwata filya fine fye imyanda ine na makumi cinekonse konse na fitatu. Cilya cili palya, imyanda ine na makumi cine konse na itatu. Pano natukwata ukushininkisha kwa busesemo, bwino bwino ukuba icine. Pantu, ukufuma panshita iya kuya kukula itempele, mpaka kukonaula, lintu bakene Kristu noku Mwipaya mu A.D. 33, lintu Kristu aipaiwe, cilifye filya finebwino bwino imyaka imyanda ine na makumi cine konse konse na-itatu.

Nomba, ukufuma pakuya kwe funde ilyaku kula cipya cipya Yerusalemu, yabikilwe imilungu cine lubali, ico icapilibwile imyaka amakumi yane na-pabula. Kabili imyaka amakumi yane na-pabula yalifikilishye cilya cine bwino bwino fye. Ukuba, ukufuma paku kuula cipya cipya ukwe tempele ukufika kuli Messiya, cali imyanda ine namakumi yatatu na-cine konse konse imyaka. Eico, imyanda ine na fita-. . .imyaka imyanda ine na makumi yatatu na-fine. Kabili imyanda ine na makumi yatatu na-fine (ukutamusha), amakumi yane na-pabula, cilepanga bwino bwino fye imyaka imyanda ine na makumi cine konse konse na-itatu. Cafikilepofye pali cena, bwino bwino pa bushiku, ukufuma ku bushiku no bushiku. Amen! Mwaumfwa imwe.

⁸⁵ “Messiya i Mfumu ili nokwisa.” Mwamona? Cine lubali uku tamusha na amakumi mutanda na pabula cileba imyanda ine na yata-. . .kabili—kabili imyaka amakumi cine konse konse

na-ine. Bwino bwinofye, cena cafikilepofye. Eico, nomba, natwishiba mukupwililika, natwishiba bwino bwino, ukutila Amalembo nayalungika. Ici cili apa. Lelo, mulemona, fyonse ifi. . .

⁸⁶ Lintu Lesa aletele ilyeshi pe sonde nokonaula lyena na menshi, nokucinja ubushiku bwafya ntanda; kabili nokuleka abena Roma ukwisamo nabena ukupanga calendar yabo, iya pamulu na pesamba, nefyaba ngefyo. Kabili Ndetunganya, ukuti, nangu mu encyclopedia umo Nalebelenga. . .

⁸⁷ Ntile, ukuba, Munyina Kenny Collins, bushe ali mucikulwa muno lucelo, Kenneth Collins? Namwishiba lintu mwantumine icifunda cikalamba icama encyclopedia? Muleibukisha cilya? Imwe mwalintumine kulya mupepi fye no kwisusha motoka uwaiyo. Natontonkenye ukutila, “Cinshi ico ine mwi sonde ne muntu uushaishiba ningacita ne fintu fyonse filya?” Nawishiba, Shikulu alemutungulula, Kenny. Mulya emo Nafumishe ilyashi, ukufuma mulya mwine muli encyclopedia yakale, “ukutamusha,” kabili ilyo Ine nalebelenga. Kabili Becky alayabomfya mwi sukuulu lyakwe. Naleyabula mukubelenga kwandi, mulya mwine muntu nsungila ifintu mu muputule wa panshi. Kabili twaile mulya nokusanga ico, kabili mulya twalicyangile, nokusanga cena, bwino bwino, ukupita muli ba calendar bonse kabili nenshita iyo iishatala bapo. Mwamona? Eico, twalicyangile cena.

⁸⁸ Cilya cili palya, bwino bwinofye, imyaka imyanda ine na makumi cine konse konse na-itatu. Ukufuma pakuya kwalilya ifunde ukubwekeshapo uku—ukukuula icikulwa, ukufika na panshita yakwa Messiya i Mfumu yakenwe, cilepanga bwino bwino imyanda ine ne myaka cine konse konse na-itatu, muli calendar.

⁸⁹ Nomba mwamona, ifwe tulebomfya iyi ine calendar pano. Pantu, nga cakuti Lesa abomfeshe iyi calendar apa, kanshi Ena alingile ukuibomfya inshitafye yonse muli Baibele. Bushe nacilungama? Lesa tacinja. Eico, nga cakutila imilungu cine lubali yali imyaka amakumi yane na-pabula, imilungu cine lubali nakabili ili imyaka amakumi yane na-pabula. Umulungu umo uli imyaka cine lubali, mwamona, eico cena cilepanga cena ukuba icapwililika. Kabili nga cakuti cena cafikile bwino pacikomo palya, cena cili nokufika bwino pacikomo nakabili. Ameni! Oh, owe! Ico canenga ine ukuba uwasunkanishiwa. Oh, Ine—Ine Natemwa, Natemwa ukwishiba ico Ndelandapo. Ine—Ine—Ine natemwa ico.

Pantu, kwati ngo muntu umo umukalamba atile, kulya kwine ku Kentucky, kuli ine, atile, “Ine natemwa ukumfwa ku umuntu umo alelanda, uyo uwaishiba ifyo alelandapo.”

Natile, “Naine eflyo mfwaya, pamo.”

Atile, “Bulya ebwaba ubwafya na imwe bakashimikila, tamwishiba ico mulelandapo.”

⁹⁰ “Ukuba,” Natile, “Natotela ukulanda kobe, lelo kwaliba ifintu fimo ifyo twaishiba pafyo tulelandapo.” Uh-huh. Ico nacilungama. Nalishiba ukutila Nalifyalwa cipya cipya. Nalishiba ukutila Nalipula ukufuma mumfwa ukuya ku Mweo. Nalishiba ukuti Lesa eko aba, pantu Ndalanda na Ena.

Nalikwata Ena ukulandila muli ine, kabili alanda pamo naine, kabili nokulanda kuli bambi, kabili nokunjeba palwa bambi. Kabili Nalishiba ukuti Ena ni Lesa. Ico nacilungama. Ena aali umusuma nganshi ukwikila no kuleka ine uku kopwa icikope candi pamo na Ena, apo science ya mwi sonde teti ikane ico. Kabili Ndesula mu Malembo nokumona ukuti ico cilifye bwino ukufikilisha iyi nkulo ya chalichi, bwino bwino fye eci citika, pakuti Ine naishiba ukuti ifwe tuli apa. Amenii.

⁹¹ Nomba, limbi teti tube abasambilila. Teti tube abantu bapa muulu, nefintu ifyaba ngefyo. Ifwe limbi tekuti tube bashimucindikwa, lelo twalishiba Lesa. Twali mwishiba Ena pantu kwaliba Mupashi wa Mushilo, mwamona, kabili ena alapashanya i Cebo-ne-Cebo ukupita mu Malembo, kabili twalishiba ukuti cena cine. Ifwe tuleikala munshiku shakulekelesha.

⁹² Nomba, kulya, ibukisheni nomba, ukutila, uyu mwaka wa busesemo, uwa nshiku imyanda itatu na makumi mutanda mu mwaka. Lolesheni pa fintu fimbi. Ububumbo, nga cakuti imwe bamo mwe bantu kuti mwakutuluka, naku banakashi, nefyaba ngefyo. Mwamona? Amakumi yatatu, inshiku amakumi yatatu, monenifye cena—cena cili...Ububumbo bonse nabubikwa kwati ngefyo. Mwamona? Te makumi yatatu na cimo, amakumi yatatu, amakumi yabili na cine konse konse, nangu icintu cimo. Caba filya fine inshiku amakumi yatatu. Ku mwaka onse, ilya ni calender ya busesemo, filya finefyo imyaka imyanda ine na makumi cine konse konse na-itatu.

⁹³ Pano natukwata icishininkisho icituntulu ica busesemo, imyanda ine na—kabili imyaka amakumi yane na-fisano, ilyo, cali icalungama bwino bwino. Nomba, fyonse filya fyalisesemwe ukwisa fikilishiwa. Kabili ilya milungu amakumi cine lubali tayacitike lilya, eico yena yashala ukuba mu bushiku bwa kulekelesha nomba.

⁹⁴ Nomba, mweba bwananyina bandi ba Pentecosti, nomba, mweba bwananyina bandi mwe Nte shakwa Yehovah, bushe mwailuka? Bushe mwalishiba uko aba makana umwanda umo na makana amakumi yane na makana yane bamoneke? Bushe mwalishiba uko ifisungusho ifikalamba ifya mu Kusokolola fyamonekele? Mulya mu nshita ya ba Yuda, te mu yesu. Tamwaba nangu cimo icalembwa muli cena, kano fye i Chalichi ica iteyanya nokufuma. Mucine, na maka yakwa Lesa, tulacita

ifisungusho ne milimo ikalamba. Twalishiba ico. Lelo icintu icituntulu cabelele kuno ku ba Yuda; Ndepilibula, icituntulu, amaka ayabomba, ukubomba kwa fisungusho. Fine . . .

⁹⁵ Amakana umwanda umo na makumi yane na fine tabamo mulya. Bena baba mulya. . . Bena tababamo mu chapitala 3. Bena baba mulya mu Malembo, kuntanshi. Kabili nomba tulemona ukutula fyonse ifi fintu fyali nokucitika, fyali muli iyi nshita iya mulungu uwalenga amakumi cinelubali, umulungu uwa kulekelesha. Nomba, nga bena balikwete kale imilungu amakumi mutanda na-pabula, no kwikala cena filya fine umusango Lesa asosele ukutula balicitile, kabili cena cacitike filya fine umusango untu Lesa asoselemo ukuti cena cikacitikilamo, nomba nanshi kuliko umulungu naumbi uwalaiwa ku ba Yuda. Nomba, ba munyina, iteyanyenifye. Mwamona? Mwamona? Umfweni ifyo ifwe tupalamine. Umulungu wakulekelesha, cine lubali, umwaka wa cine lubali.

⁹⁶ Nomba, bushe bonse namwiluka ukufika apa twafika, nga cakutula na mucita ico? Umuntu onse ukumfwa ukufika apa, ukutula cena ico Cine capwililika. Cena ni Baibele. Yena myaka ya busesemo.

⁹⁷ Nomba twafika pano, kabili twabasanga pano bena bakana Messiya, mwamona, ukufuma ku. . . mpaka ukufika nakukukana Messiya, mulungu wakulekelesha.

⁹⁸ Nomba, Ndefwaya ukwiminina pano pene pakashitafye no kulondolola ici. Ukutula, lintu bena bakene Messiya, cali lintu bena, ifyo fine, bakene Yesu nga Kalubula, kabili noku Mutanika. Ibukisheni pano lubali ifyo Baibele yalanda ukuti, “Kabili Akepaiwa, tepa mulandu Wakwe, Messiya, Imfumu.” Nomba tontonkanyeni ifyo bulya ubusesemo bwali mupepi. Ndefwaya ici cingile muli imwe. Ukutula, nga cakutula bulya ubusesemo bwafika bwino bwino pa nshita, kabili bwino bwino mu nshila cena calandilwemo ukuti cili nokucitika, uyu cine lubali umbi, iyi imbi imilungu cine lubali iyasheleko, imyaka cine lubali na umo, ntile, (inshiku cine lubali: imyaka cine lubali), ili nokufika bwino bwino umwabela Amalembo.

⁹⁹ Nomba ibukisheni, Ena alipaiwe, Messiya. Aba Yuda, Lesa alilekele ukubomba pamo nabena. Bena takwali ukuya ku ntanshi nabo. Elyo basalanganishiwe no Bufumu bwa ci Roma. Kabili, lyena, nga mwamona pa cilengelwe candi apa, Ndefwaya imwe musende ici nomba no kucilenga. Moneni pano pantu Mbikile musalaba? Apa epo bena bamukene. Lelo inshita yalitwalilileko panono pali cilya, mwamona. Mulandu nshi? Amakumi yatatu, amakumi yane, amakumi yasano, amakumi mutanda, amakumi cinelubali. Panuma ya myaka amakumi yane, Tito, umukalamba wabulwi bwaci Roma, aonawile Israeli, Yerusalemu, kabili nokusalanganya abantu mwi sonde lyonse.

Mulemona, Tito, imyaka amakumi yane panuma. Eico, mucine, inshita ya ba Yuda yalitwalilile mpaka nokufika . . .

¹⁰⁰ Lesa tabombele nabo. Ena abombele na bena ukufikafye panshita bakene Kristu. Nomba lintu batanike Kristu, babilikishe, “Lekeni u Mulopa Wakwe ube pali ifwe nabana besu,” kabili eflyo caba ukutula palya. Lelo ilyo tabalasalangana . . . Kutikeni! Oh, munyina! Ilyo tabalati basalangane mwi sonde monse, cena casendele Lesa imyaka kwati amakumi yane ukonaula itempele kabili nokubasalanganya mwi sonde lyonse. Lelo Lesa alifililwe ukubomba pamo nabena nakabili. Lesa alifililwe ukubomba pamo nabena nakabili.

Ena aile mukubombela pamo na bena Fyalo. Namwishiba ico, kutulukukeni ico nomba? Nomba, pano tuletendeka mu nkulo sha machalichi, inshita ya bena Fyalo, Lesa ukutaluka ukufuma ku ba Yuda.

¹⁰¹ Nomba, munyinane minshoni, cilya cali ku—ku—ku ba Yuda, munyina umusuma muno pa cifulo cimo. Apa epo Ndefwaya imwe ukwikata ico noku kutuluka. Mwamona, Lesa alekele ukubombela pamo na ba Yuda palya pene, pantu Lesa lyonse abomba na Israeli nge calo. Ifwe bonse twalishiba ukutila Israeli calo. Abena fyalo bantu, kabili Ena afumishe abantu mubena Fyalo, abe Shina Lyakwe. Twalafika kuli ico muma mineti ayanono.

¹⁰² Lelo nomba, munkulo shama chalichi cine lubali isho twapitulukamo, mu nshita ya bena Fyalo, ukufuma pakutanikwa kwa kwa Kristu ukufika naku mpela ya nkulo sha chalichi. Nomba natukwata ico. Ifwe twalipita muli ico, ukuyafye pantanshi. Nomba twalafika pacifulo apo twalauma pali ici, nokuya mu Fikakatikilo Cine lubali, Inweno Cine lubali, Amapenga Cine lubali, kabili na fyonse ifyo, nokufibika fyena pamo; fyonse filebombela paba Yuda, kabili nobupingushi bwakwa Lesa pa bantu pe sonde. Kabili nabashalako . . .

¹⁰³ Ibukisheni, muli iyi nshita iikalamba iya kupakaswa, muli ama millionsi ya bena Fyalo ukufwa muli ico. Ulya nabwanga uwakanwa, ulya—ulya uwashalapo uwa lubuto lwa mwanakashi, nacingungu uwalala, ena ali nokupita muli ico. Cena—cena cilifye palwalala ngefyo iyi milungu amakumi cine lubali yaba; ukubafye palwalala. Kabili bena bali nokupita muli cena. Eico, nga cakutila imwe tamukwete Mupashi wa Mushilo, imwe mulingile ukwisa kuli Ena bwangu ngefyo mwingacita. Ifwe tuli pa nshita ya mpela.

¹⁰⁴ Nomba moneni, inkulo shama chalichi cine lubali. Nomba, Nshapitemo muli shena, pantu natukwata shena pali tepu, kabili shilebikwa muma buuku nefili fyonse. Iyo, iyo yali ni nshita iyo Lesa tatalile alandapo ukuti kuli nokuba inshiku ishingiri nganshi, ama ora ayengi nganshi, nangu imyaka iingi

nganshi; Ena tatalile alandapo icintu nangu cimo. Atile, “Mpaka inshita yabena Fyalo yapwa.” Atile, “Mpaka!” Ifibumba fili nokunyataulwapo mpaka Lesa akaleke ukubombela pamo na bena Fyalo.

¹⁰⁵ Nomba, tulesanga ukuti, ico ukuya munkulo ishi, twakwete Mupashi wa Mushilo ukwingilamo. Kabili nomba Lesa, ukubwelela kulya ku kutendeka, nomba atendeke ukulanda, palya pene pakukana Kristu, Lesa alangishe Yohane bwino bwino ico icali nokucitika munshita yakuteka kwa bena Fyalo. Nomba, mwamona, tatukwete inshita iyalinga, kwati aba Yuda, lelo natukwata icishibilo. Natukwata—natukwata icishibilo cakumwenako. Ukuba, Lesa acitile kuli bena aba Yuda bwino bwino kuco Alandile Aali nokucita muli ilya imyaka amakumi mutanda na-pabula, nangu, cena cali imyaka imyanda ine na makumi cine konse konse na-itatu, lelo imilungu amakumi mutanda na-pabula. Kabili umulungu umo ewasheleko, umulungu umo ucili walilingilwa libela.

¹⁰⁶ Nomba, teti tucibomfye muli *ino*, pantu ino yabena Fyalo, i Chalichi. Nomba, nibanga abakutuluka ico? [Ulukuta lwatila, “Ameni.”—Kale.] Nomba, ici nimu Kusokolola, ukutampa na chapitala ya 1, mpaka ukufika naku chapitala 3 ciletutwala mulya mu Laodekeya. Nomba, tulemona bwino bwino ifyo cena cali Chalichi conse, i Chalichi mwi sonde palwaciko. Lesa tatalile abikako umubembu, enafye. . . ’epali ena afwaya ukupusuka. Lelo, i Chalichi ca mwi sonde conse cali ica buta; nomba kwaishile abena Nikolaito abalefwaya ukupanga akabungwe. Abakankala baingile muli cena. Ici cali niku Nicaea, Rome, ilyo bakwete Akabungwe ka Nicene. Kabili ni cinshi ico bacitile? Ba ampenye pamo ichalichi, nomba bena batampile ukupakasa abena Kristu. Nomba, munkulo ya chalichi ca konkapo, cena cali mupepi, ukuba abwina Kristu, munshila yalubatishe lwa Mupashi wa Mushilo, fyonse fyalifumishiwepo.

¹⁰⁷ Lelo nomba, ukuti imwe mwebantu namwishiba, ukutila Nacibwelela kunuma nokubula ilyashi lyakake, ilya pa ma *Nicene Fathers*, kabili naba *Pre-Nicene Fathers*, kabili nama lyashi yonse aya chalichi ayakale, kabili ne fyalembelwe ifya kale nganshi ifingi ifyo Nasangile, conse pali ifyo cashininkisha kuli imwe ukutii Chalichi ico Lesa alelandapo tacaba nicilya icilonganino ca Katolika ica ampanishiwa pamo kabili takwaba akabungwe kambi. Lesa alelanda palwa, bonse balya abaishibikwa abakalamba aba mu nkulo, bena bali abantu abafundishe pakubatishiwa kwa Mupashi wa Mushilo, ulubatisho mwi Shina lyakwa Yesu Kristu, kabili nokwisa kwa Mupashi wakwa Lesa, kabili—kabili nokulandila mu ndimi, nokwilula kwa ndimi, no kundapa, ne fisungusho, ne fishibilo. Filya eflyo Lesa apele. Ena tekuti apilibule amano Yakwe, ukulanda ukuti, “Ukuba, ili e lyano Lyandi ilya Chalichi, i Chalichi ca batumwa; nomba ilyano Lyandi lyakutila chalichi

caba kankala.” Lesa tapilibuka! Cena caba ni Mupashi wa Mushilo.

¹⁰⁸ Kabili tulacimona no kucileta, nomba, ilyo twamona ububumbo bwakwa Lesa kabili ne fyo Ena... kabili nomba twaleta Amalembo Yakwe. Kabili twabula i—ilyashi lya kale ilyo ililangisha bwino bwinofye ukuma palya pene; bwino bwino napa bushiku, pa nshita, namuli fyonse ifyo Lesa alandile kuli Yohane, ukuti fili nokwisa fikilishiwa, fyena fyacitike kuli ilya nkulo ya bena Fyalo.

¹⁰⁹ Nomba, tuleisanga fwebene, ukwabulo kutwishika nangu panono, mu Nkulo ya Laodikeya. Twalishiba emo twaba. Twapita mu Nkulo yakwa Luther; twapita mu nkulo yakwa Wesley; nomba twaisa munkulo ya Laodekeya, i Nkulo yakushalikisha. Kabili tuleiluka ukuti cila cimo icama chalichi yalya cakwete inkombe. Tulesanga ukuti. Intanda cine lubali mu kuboko Kwakwe, ico icali Mipashi Cine lubali ilya iyaile kuli Lesa. Cila umo walikwete inkombe. Kabili twapita monse nokusanga ukuti, muli Baibele, imibele yailya inkombe ifyo yali nokuba, imibele yailya inkombe ifyo yali nokuba. Kabili twabula umuntu mulyashi uyo uwakwete ilya mibele. Kabili tulesanga ulya mununtu mulyashi, uwakwete ilya mibele, twaisa ukuti ena ali ninkombe kuli ilya inkulo ya chalichi. Nomba twasanga ukuti ulya u Mupashi, kabili cinshi ico ulya muntu acitile. Kabii twasanga ukuti ena muntu uwashila uwaisulamo na Mupashi wa Mushilo, Irenaeus Washila, kabili na bonse balya bambi abashala, kabili—kabili Uwashila Columba, kabili na bonse balya abantu abaiswilemo no Mupashi. Kabili natwishiba ukuti, mu Malembo, ukutila ulya umusango wa Mupashi wali nokuba pali ulyamuntu uwaba filya pali ilya ine nshita. Mwacimona ico, eico cena tekuti cibe icalubana. Amen! Ubukata kuli Lesa! Icofye... .

¹¹⁰ Nshishibe, munyina. Cilya cilacita ifingi kuli Ine ukucila icintu icili conse ico naishibapo, mwamona, pantu cena Cebo cakwa Lesa ukuilandila Icine. Ilyo Naumfwa Lesa ukusosa icintu cimo, Ndasosa ukutila, “Ameni! Cilya cishinka. Cilya nacilungama.” Mwamona? Cilya cilecipwishisha. Fyonse nafipwa. “Lesa efyo asosele.” Ukutila, cilya ecicicita cilya.

Ukuba, Lesa atile cilya cali no kucitika muli ulya musango, kabili ifwe twalicisangile mwi lyashi lya kale kabili na mu Malembo. Kuti twabelenga pali iyi nkulo ya chalichi, ifyo ingacita, ico icingacitika, umusango wa nkombe cali kuli ilya nkulo ya chalichi. “Kuli—kuli malaika wa chalichi camu Laodicea. Kuli malaika wa chalichi camu Sardis, Thyatira,” fyonse ifi fimo ifyaibela. Kabili tulabwekela mwilyashi lyakale nokusanga i—inkombe iya cilya chalichi, kabili twaishile sanga uo ena ali. E ico kanshi twaishile cilenga, ukubika amashina yabo muli lyena, kabili balya bali palya. Mwamona, twalishiba cilya calyumine filya fine.

¹¹¹ Nomba, kabili twalishiba ukutila Lesa ali, lyonse efyo ali, kabili lyonse efyo aba, kabili uwa kususha bukapepa ubwa kolonganishiwa. Ee, mukwai. Atile cena. “Abena Nikola, ifyo Napata!” *Nickao* cipilibula “ukucimfya ulukuta.” *Abamapepo* caba, ichalichi caba, “i chalichi, umubili.” *Nickao* cipilibula “ukucimfya, ukucimfya,” mu mashiwi yambi, “ukupanga umuntu uwa mushilo, umo muntu ukucila umunankwe.”

Ifwe bonse tuli bana. Twakwata Imfumu imo, uyo ni Lesa. Twakwata Uwashila Umo, kabili uyo ni Lesa. Ameni! Kabili Ali pakati kesu, mu mibele ya Mupashi wa Mushilo. Uyo e Umo uwa Shila.

¹¹² Nomba, tuleisa pesamba mpaka tube abashininkisha nganshi ukutila ukwisa ukupita mu—mu nkulo ya ba Yuda ifwe twalisendele ilye milungu amakumi mutanda na-pabula filya fine, kwi lyashi lya kale, kuli calendar, ku mwaka wakwa Lesa uwa busesemo, ukuleta ilyashi ilyakale ilya calendar wa busesemo, ukufuma mu Cipangano ca Kale ukuya ku Cipyra, no kulangisha cena ukubafye filya fine umusango umo wine. Mwamona?

Nomba natukwata ichalichi ca bena Fyalo ukufuma pakutendeka, ukwisa ku bushiku bwa kulekelesha, kabili twalishiba tuleikala mu bushiku bwa kulekelesha. Ameni! Muleumfwa? [Ulukuta lwatila, “Ameni.”—Kale.] Nomba, kanshi, nga tuleikala muli bunu bushiku bwa kulekelesha, kumpela ya ino nshita, lyena nipesa apo tubelele?

¹¹³ Lolesheni, kunuma sana kuno, mwaumona uyu umushilwa uushililwe kunuma *kuno*, uko Lesa abombele naba Yuda... Nangu, tatalile ukubomba naba Yuda, ca Musendele inshita iitali sana ukubabula. Camusendele Ena imyaka amakumi yane ukubasenda mu mibele uko kutila nga Alibonawile, ku nko shonse. Konsefye, munshiku sha bena Fyalo, Ababikile mumibele imo libe Talalenga i Cebo Cakwe ukwisa fikilishiwa. Mwamona ico Ndepilibula? Bonse abaleiluka cena, landeni, “Ameni!” [Ulukuta lwatila, “Ameni.”—Kale.] Mwamona, Ndefwaya imwe mube abashininkisha ukutila namucumfwikisha.

¹¹⁴ Nomba ni cinshi icacitike? Lolekesheni pa mulu wa iyi nshita ya chalichi iya kulekelesha. Mwamona uku kutantalisha ukunono? Inshiku sha bena Fyalo shilepwa. Kabili pa myaka amakumi yane na imbi, aba Yuda baba abakubwelela ku Yerusalemu, ukubwelelamo ku mpanga ya kumwabo. Alleluya! Mwamona apo tubelele? Casendele imyaka amakumi yane, ukutula pakuputulwa kwakwa Messiya, mpaka Tito aonawile itempile no kusalanganya aba Yuda. Cili naimbi imyaka amakumu yane apo Lesa akosha imitima iya mitundu yonse iyaba Farao mu ncende shonse, no kutamfya aba Yuda ukubwelela mu mpanga ya kumwabo. Lelo ilelo nababwekela

mu mpanga yabo nakabili, kabili i Chalichi caba kumpela. Amen! Oh, Nde—Nde—Nde eshafye ukubelenga; tekuti Ncite.

¹¹⁵ Moneni, aba Yuda bali mumpanga yabo, kabili balabwelelamo. Ngamwabula *Decline of the World's War*, icipandwa cabubili, ilyo Umukalamba Allenby, panuma ya Nkondo ya Kubalilapo iye Sonde, apupukile pamulu wa Yerusalemu no kuisenda, no kubula Yerusalemu. Kabili balya abaume abena Kristu baendele mu Yerusalemu nabafula ne fisote fyabo. Kabili Allenby acimbile ukwabula ukulishapo nemfuti, nangu—nangu, bacimbile kuli Allenby, abena Turk. Kabili ukutula lilya, Lesa atwalilile ukukosha umutima wa kwa Mussolini, umutima wakwa Hitler, umutima wakwa Stalin, imitima ya bantu mucalo conse, ukupata balya aba Yuda.

¹¹⁶ Kabili nombamba indeke ishikalamba ishaponene, ishaleitwa Eastern Airlines, nangu, Pan American Airlines, nangu, icintu cimbi ico cali, Ndecetekela caleitwa TWA, cali mu—mu citabo, mu citaba ca *Bumi*, Ndecetekela cali, *Ukulolesha* nangu *Ubumi*, Ndecetekela cali *Bumi*, iya kulekeleshafye itatu nangu imyaka ine, kabili Lesa alebutushisha aba Yuda ukubwelela mu mpanga yabo, ico batalukako pa myaka amakana yabili, ilyo abena Fyalo baleiteyanya. Kabili nombamba abena Fyalo nababika Kristu kunse ya chalicho, ukulingana no Kusokolola icipandwa ca 3. Kabili teti abwelele mu chalichi Yakwe. Takuli incende iyo Engayako. Alikanwa.

¹¹⁷ Kabili yena ni nshita iya ku Sumbulwa. Bonse abalubulwa ukupita *umu*, utu tumatoni utunono ngefi, ekuya mu mulu ukwa bamushilo mukututubuka. Mulemona, ifwe bonse tulekumana *pano* pene capamo. Baibele itila, “Ifwe fwe bali aba mweo no kwikala ukufika ku kwisa kwakwa Shikulu tatwakaleshe nangu ukupumfyanza abo abalala.” Ukufumafye konse *kuno*, *muno*, na *pano*.

¹¹⁸ Musango nshi, munyina wa Pentecosti, musangonshi mwinga babika bonse kuno mu Nkulo ya Chalichi ca Laodikea?

Bena bali—bena balia abalala, ukupita muli cila imo iya ishi nkulo, balelolela. “Kabili ifwe fwebali aba mweo, ibumba ilinono ilyashala pano lubali, kwikala aba mweo mpaka. . .Ukwisa kwakwa Shikulu takwakacilinganye abo abalala; pantu penga lyakwa Lesa likalila, kabili abafwila muli Kristu bakabalilapo ukubuka; kabili tukekatwa capamo nabena,” ameni, “pamo na bena,” ifwe tuli *pano*, ukulongana *pano* pene, “ukuya mukukumanya Shikulu mulwelele.” Kabili apo epo muli. Nipesa tuli? Pano *pene*. Nipesa apo Messiya afumishiwepo? Palya penefye apo i Cebo casosele. Nikwisa uko ulyo mulungu uwalenga amakumi cinelubali ukatendekela? Lilya linefye panuma ici Chalichi nga lyaputulwako. Elyo Lesa akabwelela ku ba Yuda.

¹¹⁹ Tamuleibukisha? Ico cilifye lilya linefye nga Chalichi yaya. Chalichi nga yaya, elyo aba Yuda bakekatilile, bakese mo. Lelo, icakubalilapo, icintu icilekonkapo mubutantiko, teca kupuputulwa ukwa calo—kupuputulwa kwa calo pakati ka bena Fyalo. Icintu cakukonkapo mu mutande, kwisa kwa Bufumu bwakwa Lesa, Ukwisa kwakwa Kristu.

^{r120} Nomba, nga mulefwaya ukucicita, kuti twabwelela kuno nomba kuli Daniele icipandwa ca 2, versi ya 34 na versi ya 35. Kabili ilyo Daniele apelwe... chapitala ya 2, 34 na 35, ilyo Daniele apelwe icimonwa ukutila inshiku sha bantu bakwe shalipwile, kabili pa nshita imo, kabili alimwene abena Fyalo ukwisamo, kabili amwene icimonwa ca ici icilibwe apa, nangu, ici icipasho icikalamba, calikwete umutwe wa golide, necifuba ca siufele (Nomba moneni, cileya cile koselako, silfere na golide.), icakonkelepo amatanta ya cela, nangu, amatanta ya mukuba, elyo kabili amakasa ya cela na molu, lelo ifikondo, fyali ifikondo ikumi, kabili filya ifikondo fyali icela neloba, kabili atile, “Mubwingifye umu umwenene ukutila icela tacilesakana ne loba, aya mabufumu mukupatuka taya kasakane bumo no bunankwe, lelo yali no kusankanya imbuto shayako capamo, ukweshwa ukonaula amaka yabulya bumbi.” Mwamona?

¹²¹ Nomba, cinshi icacitike, umutwe wa golide ali ni Nebuchadnezzar, ico ena ailwile cena. Atile, “Imbi mfumu ikesa kabili ikaba iya cepeshapo pali iwe,” uyo ali ni Darius, ba Medes-o-Persians, ukusenda ubufumu bwa bena Fyalo. Ubukonkelepo ukwisamo, panuma ya ba Medes-o-Persians, bwali ni bwisa? Aba Greeki, Alexander Umukalamba, kabili na fimbipo; ama Grecians yasendele bulya ubufumu. Nomba nibanani babupokele kuba Greeki? Bena Roma. Kabili ni bani abo abateka isonde lya Bena fyalo ukutula lilya? Abena Roma! Abena Roma, nomba, cilya cali cela.

¹²² Nomba moneni, Rome alemonekela kumpela, pantu caile ku mpela ya tukondo. Kabili alimwene amatipa, ibumba; kabili balya bantu, ifyo twapangilwako. Kabili icela, amaka yakwa Rome, yaile muli cila imo iya shilye nko. Kabili Rome alikwata amaka muli cila calo pesamba lya Muulu.

¹²³ Kwaba umuntu umu mwi sonde uwingakanya inkondo nangu ukutendeka inkondo, ukwabula... pa kusosafye ishiwi limo. Ulya ni papa. Nga cakutila atile, “Takuli Katolika ukusendamo ulubali.” Ico kupwisha cena, munyina, kuti walanda icili conse eco ulefwaya. Iciputulwa icikalamba nganshi mwisonde, ica bwina Kristu, niba Katolika. Mwamona? Cisuma. Lekeneni asose ishiwi limo, cilya efyo caba.

¹²⁴ Nga filya fine basosele kuno lubali, “Nani... ” Tuli nokuya muli cena kuntanshi. “Nani uwinga lenga inkondo ne ciswango? Nani uwinga sosa nga ena? Nani uwinga cicita? Kanshi, katupange icimpashanya ica ciswango.” Cilya e kwampana kwa

ma chalichi, “ukupange icimpashanya nga cena.” Mwamona? Ukwampanya ifilonganino capamo, ico na bacicicita kale. Oh, tulifye kumpela. Cilya e cilikofye kuli cena, we munandi. Ifwe tuli pano pa mpela. Mwamona? “Natupange icimpashanya ca ciswango,” icintu cimo icapala cena. Ichimpashanya cintu cimo icimoneka nge cintu cimo. Mwamona? Nomba tuli pa nshita ya mpela.

¹²⁵ Nomba moneni muno, pa mpela ya ino nshita. Nomba, Daniele, mu chapitala 2, kabili versi ya 34 na versi ya 35—versi, alolekeshe ici cimpashanya ne tontonkanyo ilikalamba. Kabili alolekeshe cena mpaka Ilibwe lyaputwilwe ukufuma ku lupili, ukwabula iminwe, kabili Lyakunkulukile panshi no kufwanta icimpashanya pa makasa, no kutobaula cilya. Nomba, Lyena talyatalile ukucuma pa mutwe, nomba. Lyaishile uma cena pa makasa; ilya yali ni nshita yampela, tulyo tukondo ikumi limo.

¹²⁶ Bushe mwacimona, apapenefye, libefye Mista Eisenhower talafumapo, Protestanti wakulekelesha uwa mu... mu America, muli—muli Kateeka, ico Ndetwishika nga kukatala ukubako na umbi. Lelo—lelo ilyo... ukulangishafye cilya, pakutilafye abantu benga shibuka. Ilyo akumenye, kulya kwali... Ukulongana ukwa kulekelesha uko (bena) ena akumene na Russia, kwaliko ifyalo ifya ci communist ifya ku Kabanga fisano ifya iminineko, ifyalo ifya ku Masamba fisano. Mista Khrushchev ali intungulushi ya fyalo ifya ku Kabanga. Mista Eisenhower ali intungulushi iya fyalo ifya ku Masamba. Kabili Khrushchev, nge fyo Naumfwa kabili banjebele, ukutila mu lulimi lwa ci Russia, *Khrushchev* cipilibula “ibumba.” Kabili *Eisenhower* cipilibula “icela,” mu Cingeleshi. Cilya palya icela cenu ne bumba, teti fisankane. Kabili afulileko ulusapato lwakwe no kuma icakwimininapo na lwena, ne fintu fyonse ifyashala. Te kuti fisankane.

¹²⁷ Lelo cali mu nshiku isha aya mabufumu ayo Icilibwe, Ilibwe ilya putwilwe ukufuma ku lupili, ukwabula iminwe, yafwantile icimpashanya mu makasa. Nomba, “Ukuputulwa ukufuma mu lupili.” Limbi lwali lupili lwe libwe. Lyaputwilwe ukufuma ku lupili ulwe libwe. Nomba, bushe mwacimona?

¹²⁸ Nomba, ba munyina bakapyunga, na ba munyina naba nkashi, isonde lyonse. Kukwiluka kwandi, Baibele iya ntanshi iyo yalembelewe, Lesa alembele cena mulwelele, pantu bena balingile ukulolekesha mu mulu no kumona ukutila kwalibako Le—Lesa mu Muulu, ukutila Lesa ali pa mulu wabo. Kabili nga mwalolesha muli zodia... Nomba tapafwile ukuya nangu bamo pali imwe mwebantu... Mwikale abalungama neyi Baibele pano. Mwamona? Lelo, ci—ci zodiac, citampila mukubalilapo muli zodiac, ngefyo Nacumfwa, ni nacingu; iya kulekelesha mu zodiac ni Leo Inkalamo. Cilya e Kwisa kwa ntanshi kwakwa Kristu, ukupitila muli nacingu; Ukwisa ukwa cibili, caba ni

Nkalamo iya mukowa wakwa Yuda. Mwamona? Elyo twakwata inkulo ya cancer, kabili, na cimbi, ukuya mukati ka zodiac.

¹²⁹ Nomba, tulesanga ukutila kwaliko na imbi iya lembelwe, nangu na imbi iyabikilwe, kabili yalya yali ma pyramidi. Bushe mwalimona mu ma pyramidi, ifyo yatendeke ukuya, ayapabuka pesamba, ngo lupili, yapangwa ukufuma kumabwe ayakosa, yailefye mumulu mpaka yafika pa mulu? Lelo tapatalile ukubapo icakwisalilako icabikilwe pali pyramidi, pyramidi iikalamba kulya ku Egypto. Bula iyobe. . . Nga naukwata ibula lya dollar mwitumba iyobe, bula ibula lya dollar no kulolekesha pali lyena. Kabili muli no kusanga pano icikakatikilo ica America kulubali lumo, kabili kulubali lumbi lukwete, pesamba, pyramid. Kabili pa mulu wa pyramidi, ilibwe ilya kwisalilako, lelo lyena ili linso ilikalamba. Kabili cena cileitwa, pesamba lya iyi pyramid, “Icikakatikilo icikalamba.” Cinshi kapumpe wa mu America tabela icikakatikilo icikalamba? Cilya cikakatikilo cakwa Lesa. Ibukisheni, twaleimba ulwimbo ulunono:

Lyonsefye pa bulendo ubwa ku cifulo icacine
cine ica mweo,
Kuliko Ilinso ilimumona imwe;
Cila lutampulo ulo mutampula, ili Linso
ilikulu lilalola,
Kwalibe Linso ilimumona.

Ico nacilungama. Muleibukisha, ilyo twalekwata, ukunono—ukunono ukusefya ukwaibela? Twalelanda:

Nga muleiba no kubepa ubufi, kabili mulukuta
mulapela ubunte,
Kwalibe Linso ilimumona.

¹³⁰ Nomba, icikakatikilo icikalamba. Nomba, twalishiba, kabili Nshicikutuluka cena, ukupima kwa pyramid. Lelo Naba uwakumwebafye imwe mwe bantu yakulekelesha, muli yamo aya masambilisho ayaleisa, pakutila mwacimona conse ukutwalilila, capamo.

¹³¹ Nomba, pyramidi yatendeke, ukwimininako i Chalichi, iyapabuka pesamba. Kabili ilyo cilya cileisa cilenina ukupalamina pamulu, citendeka ukuba sana mu—mu mimonekele ya muyengo.

¹³² Nomba, tulesanga ukutila, cileyafye mu mulu ukufikafye pa mulu nganshi, kabili tabatalile ukucipwisha. Mulandu ninshi? Mulandu ninshi? Ndesunguka mulandu nshi! Pantu Baibele itila Ilibwe lya pa mulu lyalikenwe. Bena balikenwe.

¹³³ Nomba moneni, inkulo ya chalichi. . . Umfwikisheni nomba. Mwipusa ici. Inkulo ya chalichi yafuma pakutendeka kwa Kupilibulwa, Luther, kunuma mu nshita kulya uko amabwe ya mufula yabikilwe, ico caba lisambilisho lya batumwa. Nomba tulesanga ukutila, ilyo inshita yaleya, ukufuma munkulo imo ukuya muli imbi, i Chalichi lisa

mukuba sana ngelya cepeshapo inshitafye yonse, mpaka cena caishile pita nga. . . Luther ashimikile ukulungamikwa. Nomba, nga wabafye, uwasokololwa ukuba umwina Kristu, kuti bakwipaya, munshiku sha kwipaiwa kwaba mufwilakristu, ba mufwilakristu.

¹³⁴ Nomba tulesanga ukutila, mu nshiku shakwa Wesley, wali kakunkuluka wa-mushilo nga watila uli mwina Kristu lilya, ulya Methodisti umupya. Abantu baishile fuma apa ilyo Wesley aishile kuno, kabili Asbury, balikwete ukulongana muno mu America, ukubelenga ilyashi lyabo ilyakale, uko baikwatile mu fikulwa fya masukulu. Ama chalichi yabo kuno yalibakene. Kabili mukulekesha baishile fika pa cifulo mpaka Mupashi wa Mushilo kuti wa wila pali bena, kabili baleponena panshi, kabili baleitila amenshi pali bena, ukuba pupa ne cakupupilako umwela, batontonkenye ukutila balifwile umutombo. Kabili Nalibafye mu kulongana kwabo ne mwine, mu myaka yandi amakumi yasano. Kabili Nalibamona ukuwa ku maka ya Mupashi wa Mushilo nga filya, kabili kuti baitila amenshi pa finso fyabo, ne fintu fyonse, ba Methodisti abantungwa aba kale, imyaka ingi iyapitapo. Kulya kwali ukucushiwa.

¹³⁵ Nomba, kanshi, panuma ya ilya nshita ilyo yaishilepita, inshita ya Wesleyan, kwaishilemo inshita ya Pentecosti no lubatisho lwa Mupashi wa Mushilo. Mwamona, mulebelako bwino, inshita fye yonse. Nomba ibukisheni, ilye libwe ilya pa Mulu talyali pali cena nomba. Cinshi? Batantike Chalichi filya fine, nangu pyramidi ukutantikwa ukwa kulinga ilibwe ilya pa Mulu, lelo ilibwe ilya pa Mulu talyatalile ukwisa. Oh, mulemona apo Ndi, bushe tamulemona!

¹³⁶ Nomba, ubupyungishi ukufuma kuli Luther mpaka ku mpela ya Pentecosti, muli kalya akalibumba akanono nganshi apa lubali. . . Ulya e mulandu wine u Lubuuto lwabafye mupepi no kushima, muli iyi nshita, palya pali calender, pa cikope. Ni nkulo ya pentecosti, iya ba pentecosti; te—te filonganino fya ba Pentecosti, pantu bacitile filya fine nga Laodikea. Bena ni ba Laodikea. Bena bacitile nga bena Nikola, balibungenye.

Lelo Chalichi ya cine, ukushinguluka isonde lyonse, yalisa fika pa cifulo icakutila palisa ubupyungishi pakati ka Yena, filya finefye nga ubupyungishi bwakwa Yesu Kristu. Nomba ni cinshi ico bakwata? Bena nabakwata icintu mu mibele. Nomba ni cinshi cimbi icilekonkapo? Ili Libwe ilyakanwa, ilya pyramidi ilyapatwilwe ukufuma mu lupili ukwabula cinshi? Ukwabule minwe. Lesa ali Citumine. Bushe mulecimona? [Ulukuta lwatila, “Ameni.”—Kale.] Ulya Umo wakanwa, Ilibwe ilya kanwa, e mutwe wa Ici; e mutwe, ilibwe ilya kwisalilako. Kabili ulya wine uo bakene, ukupita mu nkulo ya bena Fyalo, ni Kristu. Kabili Kristu taputwilweko no kubikwa umu nga vicar, nangu umwana wakwa Lesa, nangu umu uwacindamisha mu lukuta.

Ena e Mupashi wa Mushilo. Kabili icakwisalilako ica pyramidi cikaba ni Kristu ukwisa. Bushe mulecimona? [“Ameni.”]

¹³⁷ Nomba, pamulandu wakutila bali muli ilya imibele, (Mwamona uko Nafumishe ukupangwa apa nga pyramidi, ukwima kwa ba mushilo?) ukuya baleenda ukwingila mu Bukata. Mulecumfwa nomba? [Ulukuta lwatila, “Ameni.”—Kale.] Kristu, ilibwe ilya pa Mulu, Ilibwe ilyakanwa, Iinso ili mona konse, ukwisa filya fine nge fyo Baibele yasosa. Kabili Daniele atile alimwene iyi inkulo ya bena Fyalo mpaka Ilibwe lyaishile fumako ku lupili, ilishaputwilwe ne minwe. Tabatala ukubika ilibwe ilya kwisalilako pali ilya pyramidi. Tacaputwilwe ne minwe ya muntu. Cena kuboko kwakwa Lesa uko kwa putwile Ilibwe. Mulecimona? [“Ameni.”] Kabili ni cinshi ico Lyena lyacitile? Lyaumine icimpashanya mulya mwinefye mu makasa, no kucitoba mutupimfya, ukucishonaula ku lukungu. Alleluya! Cinshi icacitike pali ilya nshita, ukwisa kwa lilye Libwe? Efyo i Chalichi lyaile mu Bukata, pa Kusumbulwa, pantu capwisishe inkulo ya bena Fyalo. Lesa ali cipwishishe, ukwisa kwa lilye Libwe.

¹³⁸ Kwaliko abantu bamo abaleisa kuno ku chalichi, umwaume umunono no mukashi wakwe. Bena kuti basenda Baibele no ku Cibika panshi pa cifulo cimo; kabili bena baleya, baleimba:

Oh, Ndefwaya lilye Libwe ilya lekunkuluka mu
Babyloni,
Ilyalekunkuluka mu Babyloni... (Ukuya
lileshinguluka, ukufwailikisha Cilya,
mwamona.)
Ndefwaya lilya Ilibwe ilyaishile lilekunkuluka
mu Babyloni.

¹³⁹ Ulya Ali palya! Kristu e lilye Libwe. Ena tafyelwe ku muntu. Ena afyelwe kuli Lesa. Ena aleishila i Chalichi ico icafyalwa cipya cipya, ku Mupashi wakwa Lesa, pantu amaka aya lilye libwe ilya pa Mulu yapita monse mu Chalichi, nga magneti.

¹⁴⁰ Ndeibukisha pakuba kulya lubali, nalemona cilye cigayo ilya nshita, uko balepanga fyonse filya ifintu. Na fyonse filya ifinkolonkolo ifili palya, kabili balififumishepo. Lilya ilibwe ilikalamba lyaishile no kufisenda, lilye libwe ilikalamba ilya magnet, kabili lyali fisendele fyonse pantu fyali ifyalambatila kuli lyena.

Tufwile ukwikatwa kwi libwe lya pa Mulu lilya. Lilya ilibwe lya Mulu ni Mupashi wa Mushilo, Kristu. Kabili cila umo muli ifwe alikwata kulyo kutintwa ukwa Mupashi wa Mushilo. Ilyo lilye Libwe likatoba cilye cimpasho, i Chalichi likabutukila kuli Cena, ukubwelela mu Bukata. Akasendwa mu mulu, pa ku Sumbulwa kwa ba mushilo, ilyo Akaya muli bulya bushiku.

¹⁴¹ Nomba, moneni pano. Tulesanga ukutila, aba Yuda nomba balebwelelamo, pa myaka nalimo amakumi yane, mupepifye

nenshita imo ine iyo cabasendele ukupwisha ukonaula kwe tempele. Cena cabasendela nalimo imyaka amakumi yane ukubwelela, mpaka bakakululule itempele limbi. Mwamona, tulifye pa mpela ya musebo. Ukuba, nga bena Fyalo . . .

¹⁴² Nomba lekeni tusende i . . . Tulemona i Chalichi, ukwisa kwe Libwe. Lekeni tubule inshita ya kulekelesha. Twalipitilemo. Tulemona nomba. Ndecetekela Ninkwata ifyalembwa fimo pano pali cilya. Natumone, pali miniti fye. “Kabili umwana wa mfumu uyo uli nokwisa, uyo waba mukanyakristu, akapanga icipangano naba Yuda.” Kabili muli Daniele 7 . . . nangu—nangu 9:27. “Kabili mukati ka mulungu, imyaka itatu na hafu, iciswango cikapanga icipangano ca ciko . . .” Nde—Ndefwaya ukwisa kuli cilya cimo, pantanshiko panono, cilye cipangano. Ifwe tulefwaya ukusha . . . Ndefwaya ukutendekela pano pene nomba.

¹⁴³ Cila imo iya ishi nshita sha bena Fyalo shalishininkishiwa palwalala pa nkombe yabo, isha mbila, kabili neco cingacitika.

Iyi nkulo *apa* yali ni nshita ya bukata.

Inkulo yakonkanpo, yatile kukaba isambilisho ilitwa, nangu icintu cimo ukwisamo, icileitwa, “i—insoselo sha bena Nikola.”

Elyo caishile, icintu cimbi, kwi sambilisho.

Elyo caishile, icupo ica . . . ku chalichi ca bena Nikola, kabili ukucusha kwa ba mushilo. Ifintu fyonse fyacitike ilya ine nshila.

Twaisa ku ulekonkapo, u Lubuutofye ulunono lwalitendeke. “Naukwata amaka ayanono, kabili walikwata ishina ukutula uli no mweo, lelo walifwa. Ikatisha ico ukwete, epali Naisa, no kufumyapo ica kutentekapo inyali.”

¹⁴⁴ Kulya kwaishile Wesley, panuma ya cilya, ne nshita yakwe. Ifwe twalimwene filya fine ifyo . . . inkulo yakwa Wesley, cena cali ni cinshi? Filadefia. Inkulo iikalamba nganshi—inshita iya citemwiko iyo twatala ukukwatapo, inshita ya Filadefia, yali fye mu nshita yakwa John Wesley.

Iyo aile kulya, mwaishile ba Pentecosti, kabili balya abali icifule fule.

Elyo twabwelela kunuma no kusanga umusango wa Mbila iyali no kwisa kuli ba Pentecosti, pa mpela.

Ibukisheni, cila umu aishile ku mpela ya nkulo. Paulo Washila aishile kumpela. Abashala bonse baishile ku mpela, Irenaeus Washila kabili na bonsefye abashala. Inkulo ya umbi yatwalililepo ukuya muli imbi, ukutantalila, kabili aliibulile no kuya ku nshita iya konkelepo pamo na yena. Mwamona?

¹⁴⁵ Nomba, tulesanga ukutula, muli ino nkulo, kwaliba ulutanda, nge fyo tukwete kulya. Twalikwata ulutanda, inkombe. Ifwe twalikwata umuntu, i—i Mbila iyo ileya ku nshita; abantu abakukana Yena; abantu ukupokelela Yena. Kabili

inkombe iya iyi nshita yali no kwisa mu maka yakwa Eliya. Cilya cishinka. Kabili ena ali no ku “Ukubwekesha Icitetekelo ca bana kuli bashibo, ukuleta abashalako aba pentecosti, abo abashalako, ukubwelela ku Cicetekelo ca batumwa ica cine.”

¹⁴⁶ Nomba, Icitetekelo ica cine ica batumwa, nga muli no kubelenga Cena mwi Buuku Iya Milimo ya Batumwa, muli no kusanga ukutila takwatala akubako inshita imo umuntu umo uwatalile ukubatishiwa, “ishina lyakwa “Taata, Mwana, Mupashi wa Mushilo.” Takwatalile akubako nangu umo pali bena uwatalile ukusanswa. Takwaliko ifintu fya musango ifi ifyo twakwata ilelo, icitwa Pentecosti, ico catalile ukucitika kunuma kulya. Balikwete ifilangisho ifituntulu, kabili u Mupashi wakwa Lesa pakati kabo, cilya cali mubutuntulu u Mwana wakwa Lesa ukubomba na bena.

Uyu muntu uwali nokwisa, iyi Mbila, ntile, iyo yali nokwisa, aali nokuba nga Eliya. Eliya ali nokwisa imiku itatu.

Nomba mwatila, ukuti, “Yohane Kabatisha ali ulya muntu.” Nga mwalolekesha, Yesu atile cali ni Yohane Kabatisha ali ni nkombe ya Malaki 3, te Malaki 4. “Moneni, Ndetuma inkombe Yandi kuntanshi Yandi.” Ndetontokanya Mateyo 11:6, ukuya fye mukati mulya muli no kucisanga, Mateo chapitala 11.

¹⁴⁷ Nomba, lelo muli ishi nshiku shakulekelesha, kuli no kwisako u Mupashi wakwa Eliya pakati ka bantu, kabili ena ali nokucita icintu cimo cine ico bacitile kunuma kulya. Icifyalilwa cakwe cikaba icintu cimo cine, icifyalilwa ca Chalichi. Icifyalilwa ca—ca muntu cikaba filya fine icintu cimo cine. Kabili ilye Mbila ukulaya, ukweshwa. . .Ena ali no kupatwa, na bantu. Ena kuti apata abanakashi, abashupa bamo, nangu cibe ifyo, bamo ababipa. Uwatemwa amatololo; uuchinja imibele, umuntu uwafulwafye inshita yonse, nga filya Eliya aali, kabili nga filya Yohane aali. Kabili twalimona fyonse ifi fintu ukufikilishiwa. Nga twalikwete i Mbila, tulemona Kristu ukukanwa. Mulingile ukuba kuli kamo pali utu utubungwe nga teifyo tekuti mwingile muli yena. Eico, Ena, Ena aliposwa kunse. Mwamona? Kristu teti abombe pakati kabo.

“Ni cinshi uli?”

“Umwina Kristu.”

“Cilonganino nshi wabako?”

“Nshaba kucili conse.”

“Ifwe teti tukubomfye.”

¹⁴⁸ Mwamona, Ena nakanwa. Nacilungama! Mwamona, nakanwa! Efyo na Eliya bamukene, kabili na Yohane efyo bamukene. Lelo, cinshi, bushe calibalengele ukumfwa ububi? Bushe calyonawile i mbila yabo? Batile, “Oh, mwebakosa mikoshi.” Baliipongolwele pali bena. Tabashinshikile nangu panono. Bailefye pantanshi. Kabili i Mbila yakwa Lesa ili

nokutwalilila ukuya pantanshi, temulandu nefyo umuntu onse alanda, mwamona, mpaka nakukupwa kwanshita, kabili ilyo i. . . cilya icilingilwa cikapongolwa. Kabili ifwe tuli ku mpela.

¹⁴⁹ Nomba, tuleisanga fwebene nomba, mu myaka amakumi yane aya kubwekelamo, ukutula Inkondo ya kubalilapo iye Sonde, kabili aba Yuda nababwekelamo ku mpanga yabo abene. Lesa tatalile ukubomba na Israeli mpaka ilyo ali mu mpanga yakwe umwine.

¹⁵⁰ Nomba, muleibukisha ilyo aba Yuda babwelelemo, balya aba Yuda ukufuma mu nko shimbi, kabili *Look* magazine yapele lyashi lya cilya. Nabelengele akaputulwa ukufuma mwi pepala limo, ibuuku ye lyashi imo iya bukapepa, ukutila ilyo bena. . . Shilye ndeke shaile kulya mukusenda balya aba Yuda mulya mukati ka Iran. Kabili Nshishibe uko bonse bali, abasalanganafye.

Nomba, balya aba Yuda aba cine, balya abashatalile ukukwata ishuko. Nomba, munyina, balya palya impendwa yenu amakana umwanda umo nomwanda umo namakumi yane na-bane. Ilyo twaisa mu Kusokolola 11, muli no kubamona. Atile, “Kuliko imikowa twelofu (yakwa Gadi), imikowa twelofu (iyakwa Asher), imikowa twelofu (yakwa Rubeni), imikowa twelofu. . .” Kabili ni kwisa uko bonse baiminine? Pa Lupili lwa Sinai. aba Yuda, ukubwelela mu mpanga ya kumwabo, balya bali kulya. Bena ebalya bamo abashali ili bumba ilya bucintomfwa ilya mu Wall Street. Iyo, mukwai. Cali ba Yuda abene bene.

¹⁵¹ Kabili ilyo uyu rabbi umukote aiminine kulya no kumona iyi ndeke yaika, balya aba Yuda. Mukaibelenge muli magazine. Bena bali bacili balelima nama pulao ya fimuti. Kabili ilyo bamwene cilye cintu ukwika panshi kulya, bena tabaleya mukucishinguluka. Ulya kafundisha umukote aiminine kulya nokusosa, “Ibukisheni, kasesema wesu atile, ‘Ilyo tukabwekelamo ku mpanga yesu, tukasendwa ukubwekela pa mapindo yakwa kapumpe.’”

Inko shilepatukana, Israeli aleshibuka,
Ifishibilo ifyo bakasesema balandile kalibela.

Tuli mupepi no kufika pali ulya umulungu uwalenga cinelubali uwabo.

¹⁵² Ndetontonkanya, nemwine, ukwiminina kulya lubali, ilyo Munyina Pethrus atumine filya Ifipangano ifinono, kabili balifibelengele. Batile, “Ukuba, ngo yu ni Messiya, lekeni ifwe—lekeni tumumone Ena ukubomba icishibilo cakwa Kasesema; nga Ena tafwa, Ali uwa mweo.” Batile, “Alibukile nakabili; Ekala mu Chalichi Cakwe; lekeni tumumone Ena ukucita icakumwenako cakwa Kasesema, kabili twalamucetekela Ena.” Aba Yuda lyonse balacetekela. . . Balishiba ukutila Messiya ali nokuba Kasesema.

153 Kabili ilyo Naiminine kulya lubali kuli Munyina Arganbright bulya bushiku, pa ncende, na balya aba Yuda ukwiminina kulya, atile, “Isafye ku cifulo cesu, abantu besu.”

154 Natile, “Mucine, Ndi no kuba uwa nsansa ukwisa.” Naishilepangafye ubusalo, mukwangufyanya nganshi.

155 Naile ku Cairo, Egypto. Inshita imbi iya bushiku, ilyo Namwene ilye ndeke ukwisa kulya lubali pa Cairo, calinjibukishe. Eico ilyo twaile kulya, kabili Nalikwete itiketi lyandi ukuya ku Israeli, bena bali no kunkumanya. Natile, “Kabiye, kalonganike amakana ayanono aya ntungulushi. Baleteni mu ndeke kucifulo cimo, tuli no kusanga nga cakutila Ena acili ni Kasesema nangu iyo. Ameni. Ukuba, katumone ifyo Ali nokucita.” Oh, cilya califye mu minwe yabo. Filya efyo balefwaya. Nga bena kuti bamona cilya, bena kuti bacetekela cena.

156 Eico cinshi ico Nacitile? Naile kulya ku Cairo, kabili Natendeke ukuya kulya. Nalikwete itiketi lyandi; nalimo ama miniti amakumi yabili ku kwita kwa mashina. Icintu cimo catile, “Te nomba. Ulukombo lwa mampulu, ulwa bena Fyalo, talulaisula na nomba. Abena Amori tabalafikilishiwa. Talukako kulya!” Natontonkenye nalimo Naelengenyefye cilya, kabili Naile kunuma ya cikulwa umwikala indeke no kupepa. Atile, “Talukako kulya nomba.” Elyo Nabulile itiketi lyandi nokuya ku cifulo cimbi. Nshaileko, pantu inshita tailaisa.

157 Nomba, ni nshita nshi ilyo Lesa ali no kusuminisha balya ba Yuda, ukutampa ukubomba kuli bena nakabili, Ine teti mwebe. Nshaishiba. Tapali nangu umu uwaishiba cilya. Lelo, kutikeni, nga Israele ali kale mu mpanga ya kumwabo, fyonse na fiteyanishiwa. Yonse amabwe nayemishiwa, kabili ukutapilisha, amenshi, ne fintu fyonse ifyo Lesa alaile. Basangile ifishima nefintu kulya, nemimana iyikalamba iyaisuka, ilya encende iyisuma nganshi iyo mwatala ukumonapo. Balikwata umusumba uwakulwa kulya. Balikwata ifyakutapilishishako. Balikwata impanga iisuma nganshi kulya iyingabako mwisonde, kulya. Kabili tulesanga ukutila, mulya mwine muli Bemba Uwafwa, mwali imiti iingi nganshi, iyalinga, ku kushita isonde lyonse. Mwamona?

158 Ifintu fyonse fyaponena fye mu minwe yabo. Musango nshi bacicitilemo? Pantu umutima wakwa Hitler walikoshiwe, umutima wa kwa Mussolini walikoshiwe, nga filya fine umutima wakwa Farao wakoshiwe, no kubabwekesha muli ilye mpanga. Kabili pa myaka amakumi yane baba mukubwekela muli ilye mpanga. Nomba kulya balikala, balelelela.

159 Chalichi ca bena Fyalo cili mu Laodikea, ukupwa kwa Nkulo ya Laodikea. Nga...Aba Yuda bali mu mpanga yabo, bali kale kulya. Kabili ukusanguka kwa bena Fyalo na kucitika kale. Kabili twalikwata Kateeka ngefyo twakwata.

Twalikwata icalo icapatukanamo ngefyo twakwata. Twalikwata ama bomba aya atomic ayakobama mu mayanda fya ndeke. Twalikwata ichalichi lya cifulefule. Twalikwata i Chalichi, abantu, abo abaibunganya capamo. Twalikwata bukapyunga ubupashanishiwa kuli bukapyunga bwakwa Yesu Kristu, ku kwikata i Libwe ilyo Likesa. Cinshi icashalako ukucitika? Kuti caba miniti iili yonse. Takuli icintu cimbi icisheleko. Tuli pa nshita ya mpela. Ohe, ubukata! Nshishibe nga cakutula Ndi nokwisa muli kulyo kusangalala, nangu iyo, lelo Ndefwaya—ndefwayafye ukuleta icipimfya ca cilya kuli imwe, nangu cibe fyo.

¹⁶⁰ Umfweni, bushe imwe. . . ? Ni banga abenga mona nomba? Bushe mulemona apo Amalembo yashinikisha ukutula imilungu amakumi cine lubali shali myaka amakumi yane na-pabula? [Ulukuta lwaitila, “Ameni.”—Kale.] Bushe mulemona uko imilungu amakumi mutanda na-ibili yali imyaka amakumi yatatu na-ine? Mulemona uko iyi—iyi imilungu amakumi mutanda na-pabula lilya yali—yali—yali. . . ? Cena cali ni cinshi? Imyanda cine konse konse ne. . . Myanda ine ne—ne myaka amakumi cine konse konse na-itatu. Imyanda ine na cine konse konse na-itatu efili imyaka mpaka ino nshita. Mulemona uko Cilolo aputwilweko? Mwamona, mulesenda imyaka amakumi yane kuli balya aba Yuda mukulekelesha ukwisa mu cifulo cabo, uko Lesa asosele.

¹⁶¹ Lolesheni kuno lubali uko inshita ya bena Fyalo yaisapita mu fintu fyonse ifyo twasosele ukutula ikacita; kwisa, tekweba ati *ifwe* twalandile ukutula kuti yacita; fintu Baibele yasosele ukutula kuti yacita. Ifyo Baibele yasosele ukutula ikacita, ukwisa fikafye mpaka ino nshita ya kulekelesha; kabili pa myaka fote balya aba Yuda baba aba kubwekelamo umu, ukuiteyanya kuli Lesa ukucita filya fine ifyo Acitile apa. Balile muli ulyo musango, kabili baishile muli ulya musango. Kabili Israeli alibwekela mu mpanga ya kumwabo.

¹⁶² Nomba, nililali ilyo Lesa ali no kutendeka umulungu wabo uwa kulekelesha? Nililali? Kuti caba ni lelo. Limbi cili lintu akasuba takalaingila muno bushiku. Lesa ali no kucilangisha. Ilyo cena caba, Nshishibe. Ndeelenganya. Lelo Nalaleta icintu cimo pano, nomba, mu ma miniti ayanono, kabili Nshishibe nga cakutula muli no kucicetekela nangu iyo. Lelo Ni—Ni—Ningile ukucisosa, nangu cibe fyo, Ndecetekela.

¹⁶³ Tuli mumpanga yakumwesu. Aba Yuda bali mumpanga yakumwabo. Tuli kumpela ya nkulo, abaiteyanya ku Kusumbulwa. Ukusumbulwa nga kwaisa, i Chalichi lyaya mu mulu, ifwe twaiteyanya uku kumanya Ena mulwelele. Ifwe bonse twalishiba cilya. I Libwe ilya putwilwe ukufuma ku lupili, lyali pekanishiwa ukwisa inshita iili yonse. Kabili ilyo Cena caisa, ni cinshi ico Cena cicita? Cena cilafumyapo inshita ya bena Fyalo. Fyonse nafipwa, kabili Lesa umupwilapo

aleka ukubomba nabena. “Lekeni uyo uuli uwakowela abe uwakowela ukutwalilila; lekeni uyo uuli uwashila abe uwashila ukutwalilila.” Mwamona? Cinshi ico Acita lilya? Asenda i Chalichi Cakwe, icaisushiwa na Mupashi wa Mushilo.

¹⁶⁴ Cinshi ico “icakowela”? Ulya ni nacisungu uwalala kabili na balya abakesa ku bupingushi, ukuya fye mukati *umu*. Twalatwala cilya pali mapu imbi, ilyo tuletwalilila neci cimo, uko aleisa ku Cipuna ica Buta ica Bupingushi kabili alingile ukupingulwa ku balubulwa. Paulo atwebele ukukana twala uwafya ku cilye, pantu aba mushilo bakapingula isonde. Cilya cishinka. Ifwe tuli pa nshita ya mpela, *pano*, nomba. Cisuma.

¹⁶⁵ Kabili mukati ka uyu mulungu. . . Nomba, ishi apa e makumi cine lubali. Nomba, nga cakutla iyi yali filya fine imyaka sebeni, cila imo iya milungu, kabili twalikwete kale imilungu amakumi mutanda na-pabula, nomba natukwata inkulo ya bena Fyalo, kabili natwishiba ukutula tuli pampela ya nkulo ya bena Fyalo, lyena kuli umulungu umu uushleko ku bena Fyalo. Bushe ico nacilungama? Kabili cilya ni filya finefyeye imyaka cine lubali. Nga cakutla *iyi* yali imyaka cinelubali, *cilya* cali imyaka cine lubali, pantu Atile, “Kuliko imilungu amakumi cine lubali iya lingilwa pa bantu bobo.” E ico twalishiba ukutula twalikwata imyaka amakumi cine lubali ku ba Yuda. Bushe cilya cishinka? Nomba lolesheni pali cena. Nga kuliko ilipusho, Ndefwaya ukulishiba. Mwamona?

¹⁶⁶ Nomba, kabili mukati ka mulungu, mukati ka uyu mulungu uwa ci Yuda; mwamona, cilya myaka itatu na citika—imyaka; munkanyakristu, cilolo, cilolo uyo uli nokwisa. Kabili ibukisheni, ena afuma mu Rome, cilolo uyo uli nokwisa. Ena ni cinshi? Papa. Cilolo pakati ka bantu, uyo uli nokwisa, kukesha ima Farao ushaishiba Yosefe.

¹⁶⁷ Nomba, imwe ba Protestanti mutila, “Ukuba, nomba, cilya eco.” Lelo pali minitifye. Tulesango kutila ba Protestanti balikwata akabungwe, bale aampanya ama chalichi, icimpashanya ica ciswango, nokuya pamo nabo.

¹⁶⁸ Kabili tulesanga ukutula pano ukutula aba Yuda bakaletwamo muli uku kwampana, (ee, mukwai), kabili bakasumina. Kabili Baibele itila balicitile. Kabili akapanga icipangano pamo na bena.

Mukati ka mulungu uwalenga amakumi sebeni, akesa toba, munkanyakristu akatoba icipangano cakwe noyu umu Yuda, “abantu bobo.” Cinshi?

Kabili tulebelenga mu Kusokolola 11, ukutula, “Nkatuma. . .” Cilya ni 11. Muleisa uku lubali ukulola ku 19 nomba. Ukutula Akatuma bakasesema Bakwe babili, kabili bakasesema muli ilya nshita, elyo kabili bakakalipila aba bakasesema kabili mucine cine bakabepaya. Bushe ico cishinka? Kabili imibili yabo iya fwa ikalala mu musebo uwa bumupashi

uwitwa Sodomu na Gomorrah, uko Shikulwifwe atanikwe, Yerusalemu. Ico nacilungama? Kabili bena bakalala kulya pa nshiku shitatu akasuba no bushiku. Kabili panuma ya nshiku shitatu akasuba no bushiku, umupashi wa bumi ukesa muli bena, kabili bakesabushiwa no kuya mu Bukata. Iciputulwa ice kumi ica musumba cawile pali ilya nshita. Bushe ico cishinka? Mwamona? Cilya ni cinshi? Mukati ka iyi myaka amakumi cinelubali aya kulekelesha.

¹⁶⁹ Ilyo ichalichi caya mukusumbulwa; elyo ukwampana, nacingu uwalala, Methodisti, Baptisti, Presbyteriani, na Pentecosti uwa cifulefule, bonsefye capamo mukwampana. Icili, bena nabakwata kale ukuteeka kwabo ukukalamba nombamba. Kabili ilyo bakacita, bakapanga icipangano. Kabili, ukuba, nombamba, uyu papa umupya uo tukwete nombamba alefwaya ukubaletamo bonse. Bushe tamulemona ici icintu ukuitulika pamo? Bali no kupela lyashi pali cena, kabili no kubaletamo bonse, umuku wa ntanshi pa myaka imyanda ne myanda; imyaka ikana limo, nangu yabili, cena catala ukucitwapo. Lelo nombamba ali nokubaleta bonse mukati, pamo, nokupanga icisaka, kabili mulya aba Yuda bali nokucisumina. Oh, owe! Ubukata! Alleluya! Lesa Alumbanishiwe Uyo wikala umuyayaya no muyayaya! Mwacimone ico! Nombamba, munyina, cili fye ica anguka, ica anguka ngefyo umwana umunono engacimona. Ukwampana ukwakuleta aba Yuda, na ba Protestanti, naba Katolika, capamo.

Kabili, ibukisheni, cinshi ico aba bakasesema babili bakacita ilyo bakesa?

¹⁷⁰ Ici ciswango, uyu cilolo ukasalanganya amaka ya bantu ba mushilo, cinshi ico akacita? Akatobaula icipangano cakwe na bena. Panuma ya myaka itatu na hafu, akabacimfya. Nombamba, abantu batontonkanya ukutula cilya ni communism. Cilya ni pa mulandufye imwe. . . U Mupashi wakwa Lesa taulamubombela na imwe na nombamba. Te communism; ni bukapapa. Baibele yatila, “Cikaba icapalama nganshi mpaka cikabepa na Basalwa bene nga caba icingacitwa.” Yesu efyo asosele. Mwamona, tuli muyakulekelesha.

¹⁷¹ Nombamba, aba bakasesema babili, finshi ifyo bakacita? Cena ni Mose na Eliya abo abali no kwisa monekela. Bakeba balya aba Yuda icilubo cabo. Kabili ukufuma muli lilye bumba lya ba Yuda ilili kulya nombamba, ukuba ba mu makana uwanda umo amakana amakumi yane na-bane, Lesa aketa ukupitila muli aba bakasesema. Cena ni cinshi? U Mupashi wakwa Eliya, ukufuma kuli ici Chalichi ca bena Fyalo, cikatwalililafye ukuya muli lulyo lukuta lwa ci Yuda, twalililenifye no kwita; Mose pamo nankwe. Alleluya! Mulecimona? Kabili akashimikila i Mbila imo ine iya Pentecosti, kuli balya aba Yuda, ukutula balikene Messiya. Amen! Mulecimona? Ikaba ni Mbila imo ine iya Pentecosti, iyo aba aba Yuda bakashimikilafye kuli bena. Kabili bakapata balya

aba Yuda ububi nganshi mpaka bakesabepaya. Kabili bena bali mupatile ku nko shonse.

Kabili mukati ka mulungu, pantu baimishe abakalamba, abamaka amakana umwanda umo amakana amakumi yane amakumi yane-na bane...Balikwete u Mupashi wa Mushilo. Kabili, munyina, ulelanda pakupanga ifisungusho, balifipangile. Bena baliminike myuulu, kabili yena tayalokele mu nshiku sha kusesema kwabo; aumine isonde ne finkunka, ilyo lyonse balefwaya ukucita. Bapele ifikuko nafimbi fyonse ifyashala. Bakabapela bena aba Roma inshila iyakosa iyakwendelamo. Lelo, mukulekelesha, bakepaiwa. Lesa Wesu ni Lesa wabipisha lintu Akalipa. Lelo ibukisheni, cilya ni mulya mu mulungu uwalenga amakumi cinelubali, kabili i Chalichi caba mu Bukata, ameni, u Mulalilo wa Bwinga uletwalililapo. Ee!

¹⁷² Nomba moneni. Palya epo tumwene Ena ukubwelela kwi Tempele Iye Kana limo kuno pa mpela ya nshita iya ba Yuda, “uwasubwa.” Uyu Alishile, nanina pali kabalwe uwa buta; balya bali mukonkele Ena, pali bakabalwe aba buta. *Kabalwe*, “amaka.” Nafwala ne cabuta; umulopa, nangu, ilaya ilya tumpikwa mu mulopa; naulembwa pali Ena, “I Cebo cakwa Lesa.” Ena aishile nga Kacimfya wamaka yonse, ee mukwai, ukwikala Imyaka ikana limo, ukwisa mwi Tempele. Ubukata! Kulya Ena akumanya balya ikana mwanda umo amakana amakumi yane na-bane, nomba, panuma ya ulya mulungu uwalenga amakumi cine lubai apa.

¹⁷³ Umulungu uwalenga amakumi cine lubali, ici ciletwalilila mu mulungu uwalenga amakumi cine lubali. Muli shitatu, pakati kaciko, acitoba cena, pantu aipaya balya babili ba kasesema ba pentecosti, ee mukwai, ico caonaula isonde.

Kabili, mune, Atipa lilya ichalichi, kabili Alyocha no mulilo. Kabili, cinshi, ena...Tulesanga cena kunse kulya, nangula abanankwe abensha amato bakeminina kunse, atile, “Iye, iye, ulya umusumba uukalamba ushifwa uwa ku Rome, aishile kumpela yakwe muli ora umo.” Ena alilepawilwe mutupimfya. Lesa alishiba ifya kucita ifintu. Kabili umo uwa kwa Malaika alolekeshe, no kusosa, “Cinshi, umulopa wa cila umo uwaipaiwe uwakwa Kristu wasangilwe muli ena,” pakubepa kwakwe, ukuya kunse nokukolonganya, kabili ukupanga fyonse ifi ifintu ifyashala, nokukowesha ichalichi, no kuleta filya fintu mulya, kabili aipeye balya bene abaeseshe ukwikata Cena nokweshwa ukubafumya.

¹⁷⁴ Ubukata! Oh, Nshi—Nshishibe. Nde—Nde—Ndeumfwa ngo ukuya. Mwamona? Tamuli abansansa pa Lubuto lwa Mwana, ukwendela mu Lubuto lwa Mwana! Nipesa tuli, munyina? Pali ora wakulekelesha! Cena limbi kuti cacitika, inshita iili yonse. Ifwe tuli pano!

175 I—i Mbila naiya kwi chalichi lya kulekelesha, chalichi iyo iyakene Kristu wa iko. Aba Yuda bali mu mpanga yabo pa nshita iya pelwa, imyaka amakumi yane. Umusumba upya naukulwa. Bena balelolola pali cinshi? Uuleisa Messaya. Nililali cikaba? Nshishibe. Ilyo lilye Libwe likafwanta icimpashanya *apa*, Ena naya; lyena ninshi capwa.

176 Nomba moneni pano. Mukati ka mulungu, inshiku shitatu na hafu. . . imyaka itatu na citika, ntile, akatobaula icipangano nokulenga ilambo ne ca bunga. . . ifyo ninshi balifibikapo kale.

Pantu, bena bakabwelelamofye no kusosa, “Nomba, lolesheni, imwe bonse muli ma chalichi. Imwe kuti mwapokelelwa muli ici cimpashanya ica kuciswango. Ifwe tuli no kukwata isenge. Tukafumyapo communism. Tukafumyapofye communism umupwilapo.” Mwamona? Kabili bena kuti bacicita. Mwamona? Kabili bena bali no kucicita.

177 Lelo nomba moneni. Kabili beni abalola, kabili beni abalola kuli ici, ukushinshimuna kwacila bushiku ne ilambo fikabwelela mu musumba ilyo itempele likakulwa. Kabili uyu cilolo uuli no kwisa mukati ka uno mulungu, akatobaula icipangano cakwe no kufumyapo amalambo. Catile, “Akasalanganya, akasalanganya cena.” Kabili eco akacita, kabili cikatwalilila mpaka ne mpela.

178 Kabili moneni:

. . . *ukusalanganya kwa* makankamike kukalenga amapopa. . .

“Elyo pe pindo lya makankamike.” *Amakankamike* ni cinshi? “Ubusali.” Mwamona? “Ukulenga amapopa,” cilya ni cinshi? “Ukuleka.” Ukwanshika kwa *ici*, ukuleka *cilya*. Mwamona? Ukusalanganya yalya amaka aya ci Roma, ukucimfya bana cisungu abalala, aba Yuda na bonse. “Ifwe bonse tukaba abena Roma nga te ifyo tatwakabe nangu cimo.” Akatobaula icipangano cakwe mukati ka mulungu.

179 “Ukwanshika kwa camuselu.” Nga cali ica muselu mu nshita yakwa Yesu, ilyo Rome aishile kulya lubali ne lyashi lyabufi, cikaba ni Rome nakabili, cikaba ica muselu nakabili ku lukuta.

. . . ukulenga *amapopa*, kabili cikatwalilila mpaka *ku mpela*. . .

Ni cinshi ico akacita? Akacitwalilila mpaka na kumpela, ekutila, impela.

180 Nomba, ubu Yuda, no bwina Roma, bu Protestanti (ico cili, ni nacingu walala), bakampana abene capamo mu musango uwakwampana kwa ma chalichi. Kabili cikaba nge fyo Yesu asosele muli Mateo 24, kabili ukufuma mu Kusokolola 13:14.

Natubule Revelation 13:14, mumone efyo. Nacicishilapo pesamba apa, ukumona efyo, 13:14. Cisuma, mukwai.

Kabili ukubepa bena abekala pe sonde munshila sha filya ifisungusho ifyo akwetepo amaka ukucita (ukwampanya aya ama chalichi) mukulolesha... ukulanda... mukulolesha iciswango; ukutila kuli bena abekala pe sonde, ukutila bafwile ukupanga icimpashanya ca ciswango, icali nobusanso ubwabipa ku lupanga, no kuba no mweo.

¹⁸¹ Nomba, twalishiba, ukwabula ukutwishika nangu kumo, ifyo cilye ciswango cali, yalya maka ayakwete impumo iya bipisha ico caishileba no mweo. Cali ilyo Rome wa busenshi aipaiwe, kabili Rome wabu papa asendele icifulo ca ciko; ilyo amaka ya busenshi yaipaiwe, kabili amaka yabu papa yaishile senda icifulo caiko.

¹⁸² Nomba, nomba, Ukusokolola 13:14. Yesu, muli Mateo 24, alibasokele pali cena. “Icimpashanya ca ciswango.”

¹⁸³ Paulo, muli Tesalonika Wacibili icipandwa ca 2, vesi ya 3 na 4. Leken i tucumfwe, tumone Paulo, ifyo alesosa pano palwa cena. Ulya Mupashi wa Mushilo uukalamba pali uyu kasesema umukalamba uwakwa Shikulu, moneni ifyo asosele palwa cena mu bushiku bwa kulekelesha. Mu Bena Tesalonika Wacibili, icipandwa ca 2 e fyo cili. Cisuma, mukwai. Kabili ukutendeka na vesi ya 3, Ndecetekela eyo. Cisuma, katubelenge nomba. Umfwikisheni, cila muntu. Nibanga abacetekela ukutila Paulo alisushiwe na Mupashi wa Mushilo? Ameni. Moneni pano.

Mwileka umuntu amubepe nangu ni ku musango onse: pantu bulya ubushiku tabwakese, kano kwaiza ubusangu mukubalilapo,...

Ena aleisha ukucifumya mu mitwe yabo ukutila Ena aleisa lilya line. Atile, “Kulingile kwaba ubusangu ukufuma mu Chalichi, pakubala,” mwamona, ukwisa muli iyi Nkulo ya Laodikea.

...kabili ulyo muntu wa lubembu ukasokolohwa,...

“Umuntu wa lubembu,” ukukana cetekela mu Mupashi wa Mushilo. Ukukana cetekela kukasokoloka.

...umwana wa boni;

Nga filya Yuda ali, kasunga wacipao uwa chalichi.

Uyo uukanya no kuisansabika umwine pali conse icitwa u Mulungu, nangu cilya icishinshimunwa; pakutila ena nga Lesa aikala mwi tempele lyakwa Lesa,...

Munyina, bushe kuliko umuntu pe sonde, kunse ya Vatican, uyo uucita cilya? Ni kwisa uko cibebele?

¹⁸⁴ Nomba, kabiyeni apa mu Kusokolola 13, no kumilangisha ukutila uyu muntu aikala pa musumba... mu musumba, kabili umusumba waikala pa—pa mpili cinelubali. Kabili ama nambala

ya ciswango no iyanda mutanda amakumi mutanda namutanda, ayalembwa muli—muli Latin. . . alufabeti waci Roma, yaba imyanda mutanda amakumi mutanda na mutanda, ni *VICARIVS FILII DEI*, uyo uuli, “Mucifulo ca Mwana wakwa Lesa,” pa cipuna cakwa papa. Kabili icipuna cakwe, calikwata icilongwe ica fifutu tutatu. Kabili Nalilolekeshapo pa cilongwe, naliminina nge fyo ukuboko kwandi kuli ku cinsu candi, nga filya, kabili—kabili namwene icilongwe icaemba icakwa papa kulya kwine mu Vatican, ine wine, naliminine no kulolekeshapali cena, beni abashininkisha Ninjishiba ico Nacilalandapo. “Alakana, umwine ukucila pali fyonse ifitwa Lesa, bonse abantu ba bulesa. Ena e washilisha pali bonse; aikala mwi tempele lyakwa Lesa, ukuilangisha fye umwine ukutila ni Lesa,” ukulekelela imembu pe sonde, kabili na fimbipo, namwishiba. Mucine.

¹⁸⁵ Paulo atile, “Kulyo kuwa kuli no kwisa mukubalilapo, ulyo mwana wa boni akasokololwa.”

Bushe tamwibukishe, ukutila, ilyo Nali. . . pamo na imwe, Nalimwebele ifi fintu?

¹⁸⁶ Oh, nga Nalitemenwe ukwikala kulya, ukumfwa Paulo ukushimikila cilya, bushe nga tamwacitile? Hmm! Ifyo Ninga temwa ukumfwa kuli ena! Oh, owe!

¹⁸⁷ Nomba ni cinshi ico ali no kucita? “Icimpashanya ica ciswango.” Abena Tesalonika Wacibili. Nomba umfweni. Umfwikisheni nomba, nganshi. I chalichi cali lileumfwa akale ukwisa kwakwa papa. Cena ni cinshi? Impela ya ilya nkulo ya chalichi, Paulo. Balimwene ifi fintu fya bena Nikola ukwima; bali no kwisa panga umuntu uwa mushilo, (kuli cinshi?) papa. Ifya mwi sonde na bakankala fyalingile mukati ka chalichi, no kupilibula imitantikile ya mipepele. Paulo, no Mupashi wa Mushilo, alikete cilya mu Mupashi. Kabili ichalichi, na mabumba yaluko na bacindama, abantu abcindama, kabili nabambipo, ukutila balimwene ukutila kwaleisa icintu cimo. Kabili Mupashi wa Mushilo walebasoka pa nshiku sha kulekeshesha. Bushe tamuleibukisha ifyo Yesu asosele pali cena? Imilimo iya bena Nikola, iyo mukulekeshesha ya ishileba isambilisho, elyo kabili yaishileba akabungwe! Mweba bwananyina, tatuli mu mfifi nomba. Ibukisheni, mwamona. Ifwe tuli pano.

¹⁸⁸ Imilimo iya bena Nikola, akabungwe kalitendekelemo, abacindama abakalamba, kabili pa mulu wa nkuta, na fimbipo, lyena ukupangwa mu chalichi ca Katolika. Kabili Paulo atile tekuti kube inshita ya mpela, teti kube inshita, mpaka ukuwa ukufuma ku cituntulu, Icicetekelo ca pentecosti. Icicetekelo ca pentecosti cikafumishiwapo, kabili abacindama bakesa bikwamo. Bakakwata umuntu uukasenda icifulo cakwa Lesa, akekala mwi tempele lyakwa Lesa, no kukana, umwine pa mulu

wa bantu bonse nga filya. Kabili, cena, mwamona, cena ni cinshi? *Nickao*, “ukucimfya ulukuta.” Mwamona? “Bonse abo abetwa Lesa; ena akekala mwi tempele lyakwe ilyakwa Lesa, nga Lesa.” Paulo atile kukaba ukupona ukufumako pakubala, mu nshiku sha kulekelesha. Kabili ifwe tuli pano, pano pene nomba, no kumona kulyo kuwa, nokumona ichalichi liletalukako ukuya ukutali kabili ukutali ukufuma kuli Cena, nokubwelelamofye nakabili. Kabili tuli pa mpela ya nshita. Cisuma.

¹⁸⁹ Nomba, nge milungu sikisite-naini yafikilishiwe bwino, kabili aba Yuda bali mu mpanga yabo nomba, kabili inshita ya chalichi ya bena Fyalo naifika filya fine pa nshita ya mpela, ku nshita ya bena Nikola . . . nangu ku nshita ya Laodicea; kupaleme shani Ukwisa kwakwa Shikulu, impela ya fintu fyonse, impela ya ino nshita, kabili Ukusumbulwa? Ilya ine nshita Akatendeka ulya umulungu uwalenga sebente, nangu imyaka cinelubali, i Chalichi ninshi caya.

¹⁹⁰ Bushe kuti mwacimona, mwe fibusa? Imyeni ukuboko kwenu nga mulecimona. Mwamona? Nomba, twiba abana. Mwileka tube ababwanganalishi nakabili. Ifwe tuli pa nshita ya mpela. Icintu cimo cili mupepi no kucitika. Ifwe tuli pa mpela. Ifwe tuli pano.

¹⁹¹ Iyi milungu amakumi mutanda na pabula yafikilishiwe bwino; ukuya kwa ba Yuda kwafikilishiwe bwino bwino; inkulo ya chalichi ya fikilishiwe bwino. Tuli pa nshita ya mpela, inshita ya kulekelesha, inkulo ya chalichi ca Laodikea, impela ya cena. Inkombe sha ntanda shonse shalishimikila imbila yashiko. Califumapo. Tulifye ku lulamba. Aba Yuda baba abaku bwelelamo pa myaka amakumi yane. Bali mu mpanga yabo.

Ni cinshi icili no kucitika cimbi? Ukwisa kwe Libwe. Twacimone ci. Ni nshita nshi cili no kucitika? Nshishibe. Lelo, munyina, palwandi, Ndefwaya ukubo waitenyanya. Ndefwaya ukukwata ifyakufwala fyandi fyonse ifya teyanishiwa.

¹⁹² Nomba, tukwete fye ama—fye ama miniti fye ayanono sana, kabili Ndefwaya imwe ukukutika mutalalilwa nomba pali miniti fye.

Ilya ine nshita Akatendeka umulungu uwalenga sebente, nangu imyaka sebeni, i Chalichi ninshi lyaya. Nomba umfweni. Ndebelenga nakabili, ukubwekeshapo, pakutila mwilabako. Ifi eflyo Mupashi wa Mushilo abikilepo icilembelo candi ilyo Nalelemba. Ifwe tuli mu nshita ya Laodikea. Kristu alekanwa ne chalichi Lyakwe Umwine. Ulutanda lwa ino nshita, i Mbila, na iya. Kabili Israeli ali mu mpanga yakwe. Mulemona apo tubebele? Tuli pa mpela.

Nomba, cimofye nangu fibili ifyakulandapo.

¹⁹³ Fyonse ifi nomba ifyo tulemona, fyalatwafwilisha, ku luse Lwakwe, ilyo tuleesha ukupalama ifi Fikakatikilo Cinelubali ifya kulekelesha. Mwamona apo twalefwaya ukucilufya?

Ukufuma mu Kusokolola 6:1 ukushinta Ukusokolola 19:21, nga twalifilufishe, pantu, mwamona, nga twaleesha ukufibika kunuma *kulya*, muli iyi nshita ya bena Fyalo; kwisa, mwamona, nacipwa muli *iyi* nkulo. Mwamona?

Nomba, ifwe natushininkisha cena ku Cebo cakwa Lesa, kabili kwi lyashi lyakale, kabili ne fintu fyonse, kabili ku fishibilo fya nshita, ku nshiku, ukutila takuli nangu cimo icisheleko. Ifwe tuli kumpela ya bena Fyalo. Ni cinshi—ni cinshi ico tuli no kucita pali cena? Wena mweo wandi no mweo wenu; bwena bumi bwandi no bumi bwenu; cena bumi bwa batemwikwa besu. Balitupampansa mukutwalilila apakalamba. Twalikwata ifintu ifingi mukwanguka. Tulingile ukusela. Cili mupepi ukucila ifyo muletontonkanya, ibukisheniffye.

¹⁹⁴ Nomba, icakulanda icileikata, nga mulefwaya mucilembe. Umfwikisheni, napapata. Uku e kusosa kwandi ukwa kulekelesha, ukukonkapo kuli cena; Ninkwata akantu akanono pano panumafye ya aka, icilembelwe icinono ico Ndefwaya ukulandapo. Nomba tushenifye pakashita no kumfwikisha, imipele cintu cimo ico cili ica kwikata, ukuyafye muli ici. Mwamona?

Tapaba nangu akalimi akepi ka mwele pakati ka mpela ya ino nshita kabili no Kwisa kwakwa Kristu. Fyonsefye, takuli na fimbi ifyashala ifyashalako. Bushe Israeli ali mu mpanga yakwe? Ifwe twalishiba cilya. [Ulukuta lwatila, “Ameni.”—Kale.] Bushe tuli mu Nshita ya Laodikea? [“Ameni.”] Bushe i Mbila ya ino nkulo ya pentecosti naiya, ukweshya ukusunkanya abantu ukubwelela kwi Paolo ilya kutendeka ilya pentecosti? [“Ameni.”] Bushe cila nkombe alisa ukupita mu nshita, filya finefye icintu cimo cine? [“Ameni.”] Bushe inko nashimina inko? [“Ameni.”] Ubucushi? Bushe muli nsala mu calo ileelo, i Chalichi ca cine ukwensha ba mailoshi imyanda ukufwaya ukumfwa i Cebo cakwa Lesa? [“Ameni.”] “Teku mukatefye weka, lelo kukumfwa i Cebo cakwa Lesa.” Kwalisa icipowe. Bushe ico cishinka? [“Ameni.”] Cinshi, ifwe tuleikala pakati ka cena, pano pene nomba. Mwamona apo tubelele? Tulelelela lilye Libwe.

¹⁹⁵ Insoselo iya kwikata! Ukufuma ku nshita ilyo Lesa apele ubulayo kuli Abrahamu. . . Mwilufya ici. Ukufuma pa nshita ilyo Lesa apele ubulayo kuli Abrahamu, Ukutendeka 12:3, ku nshita yakwa Kristu ukwisa kanwa mu A.D. 33, ku ba Yuda; umwabela abena Galatia 3:16 na 17, kabili umwabela Usher’s, U-s-h-e-r-’s, ukutantika kwa nshita ukwa Usher’s paba Hebere; amaka yakwa Lesa yali pamo na ba Yuda filya finefye imyaka ikana limo imyanda pabula namakumi yasano na-ine. Lesa abombele na ba Yuda imyaka ikana limo imyanda pabula namakumi yasano na-ine, ukulingana ne mitantikile yanshita iya ba Yuda, kabili ukulingana na bena Galatia 3:16 na 17. Ninkwata Amalembo ayengi, lelo ukupelafye cilya.

Kanshi, panuma ilyo bakene Kristu, Apilibukile ku bena Fyalo, ku kusenda abantu mwi Shina Lyakwe. Mulefwaya Ilembo pali cilya, icifulo? Imilimo ya Batumwa 15:14.

¹⁹⁶ Nomba, ukupenda inshita, tulesanga ukutila ifwe twalikwata filya fine (umfweni) imyaka ikumi limo na cine lubali iya shalako, kabili tuli no kukwata inshita imo ine iyapelwa kuli ifwe, nge fyo Lesa alebomba na ifwe mu maka ya Mupashi wa Mushilo, ukutula A.D. 33 mpaka 1977. Icipimo cimo cine ica nshita, ica myaka ikana limo ne myanda pabula na makumi yasano na ine, Lesa abombela kuli ifwe umusango umo wine nge fyo Acitile na ba Yuda. Inga palwa cilya!

¹⁹⁷ Nomba, lembeni mwi buku lyenu, Ilembo ilinono pano ilyo Ndefwaya ukumupela. Ubwina Lebi 25, ukutendeka na vesi ya 8. Lesa apele ukusangalala, cila mwaka uwalenga fote-naini. Umwaka walenga amakumi yasano yali ni nshita ya kusangalala. Twalishiba cilya. Tulomfwikisha ici. Ukufuma ku kusangalala ukwa ntanshi, ukwa mu bwina Levi 25:8, mu 1977 cikaba ukusangalala ukwalenga amakumi cine lubali, ukupanga bwino bwino amakana yatatu imyanda ine namakumi yatatu imyaka. *Ukusangalala*, cipilibula, “Ukusendwa mu mulu! Ukukakulwa!”

Oh, tulelolesha ukwisa kwa bulyo bushiku
 ubwa kusangalala ubwa Ikana limo,
 Ilyo Shikulwifwe uwapalwa akesa no kusenda
 Nabwinga Wakwe uulelolela;
 Oh, isonde lileteta, ukulilila bulyo bushiku
 bwa kukakulwa kwa wamisha,
 Ilyo Kapusussha wesu akabwelela pe sonde
 nakabili.

¹⁹⁸ Bushe namumfwa ico? [Ulukuta lwatila, “Ameni.”—Kale.] Lesa na bomba naifwe iciputulwa cimo cine ica nshita ico Abombele na ba Yuda. Ukufuma inshita ilyo Apele Abrahamu ubulayo, mpaka ukukanwa kwakwa Messiya mu A.D. 33, cali imyaka ikana limo imyanda pabula namakumi yasano na-ine. Kabili nomba ifwe natukwata imyaka ikumi limo na cine lubali iya shalako. Ifwe twalikwete nalimo imyaka ikana limo imyanda pabula namakumi yatatu na-fimo. Tukwete imyaka ikumi na pabula iya shalako, mpaka ’77, cikaba ukusangalala kwalenga amakumi cine lubali ukutula pa kutendeka kwa kusangalala. Kabili cikaba shani? Oh, munyina! Lolesheni mupepi nomba. Mwicipanya cena. Cikaba ukusangalala ukwa kuya kwa kwa Nabwinga wa bena Fyalo, kabili ukubwela kwa kwa Kristu ku ba Yuda, ilyo bakafuma muli bunkole. Ameni! Bushe tamulemona? Ukufuma mwi sonde lyonse, balilonganika kulya pali bulya bushiku. Oh, owe! Mwamona apo tubelele? Tatwishibe ni nshita nshi cinga citika. Tuli ku mpela ya nshita.

¹⁹⁹ Nomba umfweni. Kuli imwe mwe bakale muno mu—mu chalichi, abo ababa muno pa nshita iitali, Ndefwaya imwe mumone icintu cimo. Nshatala ukusambilila ici mpaka mailo; Nalicibulile ukufuma mu lyashi lya kale, Paulo Boyd, kabili nomba. . . Kabili Nalicikonka ukuya kunuma mu Malembo, natolele ishi shimbi inshiku apa, nafimbi po, nokucumfwikisha, nokucipitulukamo, ukucikonka ukupitamo.

²⁰⁰ Nomba, mu 1933, ilyo twalepepa kuno lubali mwi tempele lya ba Masonic, apo ulukuta lwakwa Kristu lwaiminina ileelo, pa lucelo lumo ulwa muli Shinde, ilyo nshilafuma ku ng'anda, Nalebika motoka yandi (Nalishitile motoka ya mu '33, kabili Nalebika ku mulimo wakwa Shikulu.), kabili mucimonwa, Namwene inshita ya mpela (Nomba moneni ifyo ici cili icakwikata, kunuma kulya ilyo Nalifye umulumendo, kuti mwa elenganya ifyo motoka yamu 1933 yalemoneka, nomba, ifyo yena yalemoneka.), kabili Naile kulya kwi tempile lya ba Masonic, uko, imwe bamo abakale muno muleibukisha, calilembwa pe pepala lyakale ku ng'anda, calilembwa akale kabili caliya nokushinguluka isonde, mwamona, ico cali mu 1933, kabili Nasobebe ukutila kwali nokucitika ubusanso ubukalamba kuli iyi United States libe, nangu, ukufika mu mwaka 1977. Nibanga baleibukisha ine ukusosa ico? Lolesheni ku minwe. Mucine.

²⁰¹ Nomba moneni, Nasobebe ifintu cinelubali fyali nalilya mu kupanga kwa. . . ilyo uku kupwisha ukukalamba nangu icintu icikalamba tacilacitika muno mu United States, icintu cimo icikalamba icabipisha.

Natile, nomba ibukisheni, ici cili ilyo tacilatendeka, Natile tuli no kuya mu Nkondo iya Cibili iye Sonde. Nibanga abaleibukisha ukumfwa ine ukusosa cena? Soseni, “Ameni.” [Ulukuta lwatila, “Ameni.”—Kale.] Cisuma. I Nkondo ya Cibili iye Sonde! Natile, “Kateka uyo nomba uuli. . .” Na kopolwele ici mwi Lembo lyakale, libe, icintu cakale mailo, ukuila, “Kateeka uyo tukwete nomba,” uyo uwali. . . Nibanga abaleibukisha uo aali? [Munyina atila, “Franklin Roosevelt.”] Franklin D. Roosevelt. Natile, “Kateeka uo twakwata nomba akesa iminina na mukusala kwalenga cine,” ena ali mukuteka kwakubalilapo kwakwe lilya, “akeminina mukusalwa kwalenga cine, kabili tukesa sendwa ku Nkondo iya Cibili iye Sonde.”

²⁰² Natile, “Kateeka wa buluku uyo uuleisa nomba mu Italy, uuli ni Mussolini, akesa teeka. Kabili ali nokuya ku Ethiopia, na Ethiopia ikaponena pa nkasa shakwe.” Kuliko abantu abekele muno nomba abo abaishiba, ukutila kuli ibumba lya bantu ilyaishile no kwiminina, ilyo Nakwete ukulongana kwandi mu Cikulwa ca Redman's kulya lubali ilya nshita ya bushiku, ilyo Naile kulya mukushimikila cilya, Icikulwa ca Redman's, kabili balefwaya ukuntamfya mucikulwa pakulanda icintu ca musango filya. [Nkashi Wilson atila, “Ameni. Ico nacilungama.”—Kale.] Ee. Ee. Misisi Wilson, Ninjishiba muli. . . Ico nacilungama. Ilyo

Nasosele cilya . . . Lelo bushe alicicitile? “Lelo,” Natile, “akesa ku mpela ya nsoni,” kabili alicicitile. Ena nomwanakashi ale enda nankwe, balibapilibwile amolu-mu-mulu nokubakobeka kuntambo mu musebo, na makasa yabo mu mulu, ifyakufwala fyabo fyalelebeli pansi. Cisuma, cilya caishile fikilishiwa.

²⁰³ Kabili nomba Natile, “Abanakashi nabasuminishiwa ukusala. Ico icili icamusebanya uwapwililika pa calo. Kabili, mukusala, ubushiku bumo bakesasala umuntu uwa lubana.” Kabili balicitile cilya muli uku kusala ukwa kulekelesha. Ine, ine! Cine. . . (Natile, “Science ikesa lunduluka mu musango uwa kutila. . .”) Iyo, pano, cilya ca butatu. Njeleleniko.

²⁰⁴ Apa pali cimbi icilekonkapo, palya, icalenga cine. Natile, “Inkondo yesu ikaba pamo na Germany, kabili bakakula incende iikulu iya konkili no kuicingilila abene mulya, kabili abena America bakapumwa icibi nganshi.” Lesa Uwamaka yonse alishiba, ukutula Uyo uo Njiminineko nomba, Nalimwene balya ba Nazi abantungwa ukupantaula abena America nga filya, ne fintu, pali cilye cibumba. Kabili kuliko abalumendo abengi abemine kuno nomba abaliko kulya ku Mushilwa wa Siegfried, abo abaishiba ifyo cena cali. Kabili ibukisheni, cilya cali imyaka ikumi limo na umo ilyo Umushilwa wa Siegfried taulakulwa. Bushe Lesa wa cine? Bushe Ena acili alalandila kalibela ifintu ifikacitika? Moneni. Cilya, cilya ecali icakulenga cine.

²⁰⁵ Nomba icintu ica cisano. “Science ikesa lunduluka mu musango uwakutula mpaka bakese panga motoka iyo ishakatale ukutungululwa nomupeto. Kabili ba motoka bakatwalilila ukupangwa mu musango we lini, mpaka na ku mpela, inshita ya kulekelesha. Nalimwene ulupwa lwabena America luleya mulya mu musebo, mu musebo uwa pabuka, naba nina muli motoka ne numa shabo na bafutatila uko umupeto ulingile ukuba, camoneke kwati baletya ubwangalo bwa checkers nangu injuka.” Kabili natuikwata. Ili pa citunshi tunshi. *Science Iyalumbuka, Bu makanika*, ntile, bonse nabaikwata. Natuikwata motoka. Yena ikontololwa na remote control, ukubomfya—ukubomfya radar. Tabakakabile nokukwata umupeto uuli onse muli yena. Kushumbafye akakushumba kobe ngefi, ngefyo mushumba lamya yenu, kabili motoka yenu yacita nefyashala; teti yonaika, nangu icintu cimbi, takuli imyotoka shimbi. Magnet kulatalusha shonse ishashala ukufuma kuli iwe. Mwamona? Nabaikwata. Oh, owe! Citontokanyenipo. Nasobele imyaka sate libe tacilacitika!

²⁰⁶ Nomba, cilya catuleta nomba ku kusala kwakwa Kateeka Kennedy.

Kabili iyi motoka ileisa—ileisa mukumonekela, ukuleta ifintu fisano (ukufuma mufili cine lubali) ifyo fyalicitika filya finefy.

207 Nomba, Nalisobe, kabili nalilanda, “Namwene umwanakashi umukalamba ukwima, umusuma-mumimonekele, nafwala iya cine kwati-yabufumu purple.” Kabili Ninkwata ubulondoloshi ubunono panshi apa, “(Ali ni kateka umukalamba mu United States; nalimo ichalichi ca Katolika.)” Umwanakashi, umwanakashi umo; Nshishibe nga cikaba cichalichi ca Katolika. Nshishibe. Teti nande. Icintufye cimo ico Namwene, Namwene umwanakashi, epelafye.

208 Lelo cino calo ca bana mayo. Cino calo ecalenga nambala satini, mu busesemo. Akwata imishilwa satini, intanda satini. Atampile ifyalo pesamba lyakwe ifili satini. Ikumi limo na itatu, ikumi limo na itatu, ifintu fyonse likumi limo na itatu. Amonekela mu cipandwa ca 13 ica Kusokolola, pamo. Aba likumi limo na fitatu. Kabili calo ca mwanakashi.

209 Ifilye fya kulekana mu America filapela ukulekana ukwingi, ku banakashi besu, ukucila inko shonse ishashala. Imicitile mu calo cesu yaliba panshi, no kulekana, ukucila eflyo caba ku France nangu ku Italy, uko bucilende bwaba pamusebo. Eico, lelo bena ni bacilende; abesu bantu baupwa abesha ukwikala na baume abengi, kabili abengi abaume abaupa ukweshwa ukwikala na banakashi bambi.

210 Mu fyalo umo bakwata impali, miku amakana ukuwamapo. Libe, kabili, ukupa impali cintu calubana, twalishiba. Lelo, cilangishafye eflyo twaba abapanshi.

211 Ninkwata iciputulwa ukufuma mwi pepala, uko calangishe ukutula ilyo abalumendo besu abena America baile ku fyalo fya kutali, mu nkondo yalekelesheko, ukutula ukucila, Ndecetekela, cali mupepi na sebente percenti. . . Cinshi, nomba, loleleni pali miniti, Ndecetekela cali batatu ukufuma muli bane abo abaile ukuciluka ba bamba, abo balekele ku bakashi babo libe tabalabwela. Kabili uyu uukalamba umutwe welyashi uletila, “Cinshi cacitika ku micitile ya bantu besu abamu America?” Muleibukisha ukucimona? Imwe bonse mwalicimona, Nde elenganya. “Cinshi cacitika ku micitile ya banakashi bamu America?” Ifilimwa, filebomba kulya lubali na baume bambi. Cena ni nko ya mwanakashi. Ni cinshi ico ali nokukwata? Umwanakashi lesa, atemwa umulungu uwanakashi.

212 Nomba, kanshi, panuma ya cilya, Nalipilibwike no kulolesha. Kabili Namwene iyi United States ilepya kwati mulilo wacushi, amabwe yalilepawilwe. Kabili calepya kwati mu—mupili wankuni mu mumulilo, nangu icintu cimo icabikilwefye pa mulilo. Kabili naloleshe ukufika nokutali uko Ningamona, kabili ena ali nalepulwa. Kabili nomba icimonwa canshile. Fisano ukufuma pali fitatu fyalicitika. . . nangu fisano ukufuma mufili cinelubali, ntile, fyalicitika.

213 Kabili apa paisa no kulangisha. Elyo kabili Nalisobe. Nshatalile ukusosa ukutula Shikulu alinjebele cilya, lelo,

ukwiminina lulyo lucelo mu chalichi, Natile, “Inshila ya kulundulukila...” Naishile bwelela ku mpela ya cibumba cabo, no kuya ku lubali lumbi ulwa cibumba. Natile, “Inshila ukulunduluka iletwalilamo, Nalasobela libela ukutila inshita... Nshishibe umulandu Ndesosela ici. Lelo Ndesobela ukutila cilya cili no kucitika pakati ka ino ine nshita, 1933 na 1977.”

Kabili ukwabula ukwishiba cena, Lesa alishiba umutima wandi, Nshatalile ukwishiba cena mpaka mailo, ukutila 1977 ni nshita ya kusefya ukwaibela, kabili umulingo umo wine uwa nshita wapwa uo Apele na Israeli, ne fintu fyonse ku mpela. Eico tuli pa... Kabili ifwe tuli pano pa mpela ya nshita, pa kwisa kwa mulungu uwalenga amakumi cine lubali. Tatwishibe inshita ilyo i Chalichi likaya. Oh, owe! Ni cinshi ico twinga cita, mwe banandi? Nipesa apo tubelele?

²¹⁴ Bushe mulemona ifyo ifwe tuli nombamba? [Ulukuta lwatila, “Ameni.”—Kale.] Bushe muleumfwa umulungu uwalenga sebente uwakwa Daniele nombamba? [“Ameni.”]

Mwamona, nombamba, ilyo twaya muli ifi Fikakatikilo ne fintu, ukukakatula ifi Fikakatikilo. Uwakubalilapo aleisa, uwaninine pali kabalwe uwa buta, kabili nakwata ubuta mu minwe yakwe. Moneni uo ulya muntu ali. Moneni ulya kabalwe uwa butulukila pantanshi yakwe. Mwamona? Moneni uo ena ali, kabili lolekesheni ifyo bena baishilemo. Moneni balya amakana umwanda umo na makana amakumi yane na makana yane ukwisamo. Lolesheni ulya nacisungu uwalala ilyo akesa ima. Elyo moneni fyonse ifi fintu filecitika: ukupongololwa kwa Nweno, Amalanda, imipashi iya kowela itatu iya pala ifyula. Moneni filya fintu ifyo filemonekela muli filye finkunka, filya fine ilyo fyapongolwele. Cila nshita Icikakatikilo caiswilwe, icinkunka calipongolwelwa, kabili ubusanso bwalishile. Kabili moneni ico cilecitika nombamba ku mpela.

²¹⁵ Kabili, oh, moneni aba bakasesema batatu... nangu aba bakasesema babili, ilyo bakema kuno. Kabili mukati ka mulungu, bali no kuputulwako nga filya, elyo kabili Inkondo ya Armageddoni. Elyo Lesa atendeke ukulanda, Umwine, lyena Ena aleiminina no kutendeka ukulwa. Balya bakasesema baleuma isonde. Bena baleshimikila i Shina lyakwa Yesu Kristu. Bena balebatisha umusango umo wine. Balecita icintu cimo cine ico ba pentecosti aba ntanshi, bashifwe bacitile, kabili abengi balebakonka. Lelo balya ababungene, kalya kabungwe, kalitwalilile ukuya pantanshi, kabili nangu maka ya balya bakasesema tayakonawile kena. Kabili mukulekelesha batile, “Ifwe tuli no kucilenga conse ukuba akabungwe kamo.” Kabili aleletamo (cena ni cinshi?) ica muselu, ubwina Roma, ukusalanganya icintu conse, icipanga ukupomonwa. “Ica muselu icipanga ukupomona,” cikasenda ifintu fyonse mukati, “ubusali.”

216 Ibukisheni, cilende nyina umukote uyo waikela pa ciswango, ne fyakufwala ifya kashikila nga filya, akwete imitwe cinelubali na masengo ikumi. Muleibukisha cilya? “Kabili alikwete ulukombo mu kuboko kwakwe, ulwa muselu lwafya busali bwakwe.” Lilya lyali lisambilisho lyakwe ilyo ena apele ku bantu. Kabili ifwe tuli palya, ba munyinanane. Ifwe tuli pa mpela ya nshita.

217 Mwebana banono, tatwingatala ukwishiba, limbi tekuti mwikale ukuba no mweo ukubwela nakabili muno bushiku. Limbi teti tube nomweo ukumonanapo umo nomunankwe nakabili. Nshishibe. Lelo, impela ili mupepi nganshi, impela na ipalama nganshi. Aya pano Amalemo. Kwabafye mucine cine, icapwililika, icishininkisho ca Malemo.

218 Nomba, nga kuliko icintu cimo ico tamwacumfwikisha, mukanembeleko ka kalata no kunjishibisha palwa cena. Mwamona? Mukalandepo icintu cimo. Imwe bamo ba munyina uko pama tepu, mu ncende shimbi, nga kuliko icintu cimo ico Ninga mwafwa, mukaleke nkeshibe. Limbi kuti mwakana ukusuminishanya naine, kabili limbi teti Nsuminishanye na kabungwe kenu; te imwe iyo, lelo imibombele ya kabungwe kenu. Nshilekana ukusuminishanya na bantu ba ku Katolika. Nshilesosa ukutila Nshatemwa abantu ba mu Katolika, Nshatemwa abantu aba mutubungwe. Cilya teco. Nalitemwa abantu bonse, lelo Nshisuminishanya na ilye mibombele iyo ilemukakilila imwe. Ico eco, imibombele ya cilya. Ico eco.

219 Nshalesusha Germany; cali ni Nazism. Nshalesusha abena Italy; cali kususha ba—ba Fascism. Kabili ibukisheni, Nalilandile nakabili ukusobela muli ilya nshita, ukusobelafye, kabili mwe bengi imwe mwe bakale muleibukisha cena. Natile, “Kwaba ifikomo ifikalamba fitatu ifile esha ukwikatilila mwi sonde ileelo: Facism, Nazism, kabili na Communism.” Kabili Natile shani? Fyonse fikengila muli Communism.

220 Nomba Nalengelefyeye imwe bonse ukucibwekeshapofye, “Tonteni amenso yenu pali Russia.” Muleibukisha cilya? “Tonteni amenso yenu pali Russia. Ena akapwisisha muli Communism.”

Elyo kabili cikesa pwililika, mukulekelesha, muli bu Katolika. Ibukisheni, conse cikapwishisha muli bu Katolika mu nshita ya mpela. Cilya cishinka nganshi. Cilya ni pa Bulwi bwa Armageddoni, ulubali lwa *kuno* kwine, ilyo Kristu akesa, Umwine.

221 Lelo aba bakasesema batatu... Iyi myaka itatu na citika, ntile, cilya ni mu Kusokolola 11:3, mwalibelengapo inshita ishingwi, “Ndepela amaka ku nte Shandi shibili, kabili bakasesema inshiku ikana limo ne myanda ibili na makumi mutanda.” Nshinga isho, inshiku ikana limo ne myanda ibili na makumi mutanda? Imyaka itatu na citika. “Elyo kabili

bakepaiwa mu musebo,” mukati fye ka uyu mulungu uwalenga sebente.

Eico, mulemona uko imilungu sebente iyakwa Daniele ili? Mulemona apo tuleikalila? Tuli ku mpela, mwe banandi abatemwikwa. Tuli kumpela. Inshiku . . .

Inko shilepatukana, Israeli alebuka,
Ifishibilo ifyo bakasesema balandile libela;
(Ifwe tuli pano.)
Inshiku sha Benafyalo shakupenda, (*Pano.*) ne
fya kutinya ifingi;
“Bweleleni, Mwe basalangana, ku mwenu.”

Lekeni tulwimbe lwena:

Ubushiku bwakulubulwa nabupalama,
Imitima ya bantu ilefilwa ku mwenso;
Isushiweni no Mupashi, inyali shenu ishiwama
kabili ishabuta,
Shibukeni! Ukulubulwa kuli mupepi.

Oh, owe! Bushe cilya tacawama?

Inko shilepatukana, Israeli alebuka,
Ifishibilo ifyo bakasesema balandile kabela;
Inshiku sha bena Fyalo shakupenda, ne fya
kutinya ifingi,
“Bweleleni, Mwe basalangana, ku mwenu.”

Nomba capamo:

Ubushiku bwakulubulwa nabupalama,
Imitima ya bantu ilefilwa ku mwenso;
Isushiweni no Mupashi, inyali shenu ishiwama
kabili ishabuta,
Shibukeni! Ukulubulwa kwenu kwafika.

Lekeni mimbile ka versi akanono.

Bakasesema babufi balebepa, Icine cakwa
Lesa balekana,
Ukutila Yesu Kristu e Lesa wesu;

Balemulenga Ena ukuba u Muntu wa butatu. Namwishiba ico. Lelo, tefyo Aba. Ena ni Lesa wesu.

Lelo tukendala umo abatumwa baenda.

Pantu ubushiku bwa kulubulwa buli mupepi,
Imitima ya bantu ilefilwa ku mwenso;
Isushiweni no Mupashi, inyali shenu ishiwama
kabili ishabuta,
Shibukeni! Ukulubulwa kwenu kuli mupepi.

²²² Bushe tamuli abansansa? Bwelela ku Mbila, munyina! Bweleleni ku ntendekelo! Bweleleni ku pentecosti! Bweleleni kwipaalo lya cine! Bweleleni kwi Shina lyakwa Yesu Kristu! Bweleleni ku lubatisho lwa Mupashi wa Mushilo! Bweleleni

ku fishibilo ne fisungusho! Bweleleni ku pentecosti! Fumeni ku kabungwe! Bweleleni ku Mupashi wa Mushilo! Ena ni Kasambilisha wesu.

Pantu ubushiku bwakulubulwa bulepalama,
Imitima ya bantu ilefilwa ku mwenso;
Isushiweni no Mupashi, inyali shenu ishiwama
kabili ishabuta,
Shibukeni! Ukulubulwa kwenu nakupalama.

²²³ Bushe cilya tacawama? Cinshi ico kasesema asosele? “Kukesha isa inshita ilyo cikesaba, teti mulande ubushiku nangu akasuba.” Lolesheni ifyo caba. Mwamona? Oh, ububi nganshi, ukupita mu nkulo shama chalichi!

Lelo cikaba—cikaba u Lubuuto mu nshita ya
cungulo bushiku,
Inshila ya ku Bukata mucine mukaisanga;
Mu nshila ya menshi muli u Lubuuto ileelo,
Ukushikwa mwi Shina ilyawama lyakwa Yesu.
Abaice na bakalamba, lapileni ku membu
shenu shonse,
Mupashi wa Mushilo mucine akengilamo;
Ulu u Lubuuto lwa cungulo bushiku na bwisa,
Cena cishinka ukutila Lesa na Kristu baba
Umo.

Cikaba u Lubuuto . . .

Bonse capamo.

. . .mu nshita ya cungulo bushiku,
Inshila ya ku Bukata cine mukaisanga;
Mu nshila ya menshi muli u Lubuuto ileelo,
Ukushikwa mwi Shina ilyawama lyakwa Yesu.
Abaice na bakalamba, lapileni ku lubembu
lwenu lonse,
Mupashi wa Mushilo mucine akengilamo.
Pantu u Lubuuto lwa cungulo bushiku na
bwisa,
Cena cishinka ukutila Lesa na Kristu baba
Umo. (Te batatu; lelo Umo!)

²²⁴ Bweleleni ku Mbila! Bweleleni ku ntendekelo! Bweleleni kufyo Paulo asambilishe! Bweleleni ku lubatisho abatishisheko! Alimwene abantu ukubatishiwa mu nshila imbi; alibebele ukwisa no kubatishiwa cipya cipya. Atile, “Nga Malaika aika ukufuma ku Mulu, ashimikila icintu cimbi icashala, lekeni Abe uwatipwa.” Eico, kubwelela ku Mbila nakabili, cibusa! Yena ni nshita ya cungulo bushiku.

²²⁵ Oh, Nalimutemwa Ena nganshi, tamwamutemwa? Nibanga abalemona umulungu uwalenga sebente uwakwa Daniele nombamba, nokumona ifyo mulungu uwalenga sebente uli? Ni

banga abalecetekela cena? Landeni, “Ameni.” [Ulukuta lwatila, “Ameni.”—Kale.] Ameni! Lesa Alumbanishiwe!

²²⁶ Nomba, ni cinshi cimbi icilekonkapo? Ifikakatikilo Cine lubali nomba. Tuli no kwisa muli fyena, ilyo Shikulu akasuminisha. Ilyo ico cikaba, Nshishibe. Ilyo linefye Akacileta cena, lyena tukaya muli cena. Elyo tuli no kukwata inshita iitali, ukulongana ukutali, pantu cikatusenda ukufuma mu chapitala 6 ukufika pa 19, ukupituluka muli cena, kabili ngefyo Ndifye uwawaya waya na cena.

²²⁷ Nomba, Nshilefwaya nangu umu ukuya uwakana ukumfwikisha ici. Tepu icili ilelila. Nshilefwaya nangu umu ukukana umfwikisha. Mwikana ukumfwikisha nomba, nokutila, “Munyina Branham atile Yesu akesa mu 1977.” Nshatala landapo icintu camusango ifyo. Yesu kuti aisa ilelo. Lelo Nalisobela ukutila pakati ka '33 na '77 icintu cimo kuti cacitika, ukutila ifi fintu ifyo Namona fikesa fikilishiwa, mu cimonwa, fili no kucitika. Kabili fisano pali filya na fyalicitika kale. Kabili Ndecetekela, ne fintu ifya atomic ifyo twakwata nomba . . .

²²⁸ Kabili bushe mwalimona ifyo Kateka wesu asosele fye? Ukufwaya inkondo na imbi. Alefwaya ukupanga icilangililo ukufuma kuli—ukufuma kuli Berlin, efyo asosele. Alefwaya ukupanga icilangililo. Nga pali Cuba kuno mupepi na ifwe? Cinshi teti kubele icilangililo ukufuma kuli cilya? Nga palwa cilya? Oh, cena buwelewele! Mwamona?

²²⁹ Oh, munyina, tulifye ku mpela. Bali noku...Cili nokucitikafye mu musangofye uo Lesa alandilemo, eico ni—ni ncito nshi cikwete ukucita icili conse ukucila pakubelengafye ifyo Asosele, nokuba uwalungama, nokuba uwaiteyanya kuli cena. Nokumuleka ukwisa, nomba. Tulecilolela cilya.

Tulelolela ukwisa kwabulya ubushiku bwe
Kana limo ubwansansa,
Ilyo Shikulu wesu uwapalwa akesa no kusenda
Nabwanga Wakwe uulelolela;
Oh, isonde lileteta, ukulilila bulya bushiku
bwa kukakulwa ukusuma,
Ilyo Kapususha wesu akabwela pe sonde
nakabili.

Oh! Shikulu Wesu aleisa pe sonde nakabili,
Ee, Shikulu wesu aleisa pe sonde nakabili,
Oh, Satana akakakwa imyaka ikana limo,
Ifwe tatwakakwate uwakutwasha lyena,
Panuma Yesu nabwela pe sonde nakabili.

Nibanga abali abaiteyanya? Imyeni ukuboko kwenu. Oh, owe!

Oh! Shikulu Wesu aleisa pe sonde nakabili,

Natwimininefye no kuposhanya mu minwe umo no munankwe.

Shikulu Wesu aleisa pe sonde nakabili,
Oh, Satana akakakwa imyaka ikana limo,
Ifwe tatwakakwate uwakutweshya lyena,
Panuma Yesu nabwela pe sonde nakabili.

Oh! Shikulu Wesu aleisa pe sonde nakabili,
Ee, Shikulu wesu aleisa pe sonde nakabili,
Oh, Satana akakakwa imyaka ikana limo,
Ifwe tatwakakwate uwakutweshya lyena,
Panuma Yesu nabwela pe sonde nakabili.

Ukubwela kwakwa Yesu ekukaba ubwasuko
bwa bulanda nokulila kwe sonde,
Pantu ukwishiba kwakwa Shikulu kukesula
isonde, bema no mulu;
Lesa akafumyapo konse ukulwala nefilamba
fya macushi fikoma,
Panuma Yesu nabwela pe sonde nakabili.

Oh! Shikulu Wesu aleisa pe sonde nakabili,
Ee, Shikulu wesu aleisa pe sonde nakabili,
Oh, Satana akakakwa imyaka ikana limo,
Ifwe tatwakakwate uwakutweshya lyena,
Panuma Yesu nabwela pe sonde nakabili.

²³⁰ Oh, owe! Bushe tamuleumfwa bwino? Tontonkanyeni, mwe banandi, ino ni pentecosti, shinshimuneni! Ino ni pentecosti. Leken i tutote indupi shesu no kwimba lwena. Abantu ba pentecosti, cila muntu, nomba beni aba kakulwa, fumenipo ilye mimonekele ya kale iya bu Methodisti ukufuma muli imwe nomba. Iseni, lekeni tulwimbe lwena!

Oh! Shikulu Wesu aleisa pe sonde nakabili,
Ee, Shikulu wesu aleisa pe sonde nakabili,
Satana akakakwa imyaka ikana limo,
Ifwe tatwakakwate uwakutweshya lyena,
Panuma Yesu nabwela pe sonde nakabili.

Oh! Shikulu Wesu aleisa pe sonde nakabili,
(Baibele efyo isosa!)
Ee, Shikulu wesu aleisa pe sonde nakabili,
Satana akakakwa imyaka ikana limo,
Ifwe tatwakakwate uwakutweshya lyena,
Panuma Yesu nabwela pe sonde nakabili.

Bushe mwali Mutemwa? Cisuma. Nali Mutemwa. *Nali Mutemwa*, Nkashi Gibbs. Oh, lekeni twimye fye amaboko yesu nomba kuli Ena.

Nali Mutemwa, Nali Mutemwa
Pantu Ali ntemenwe pakubala
No kushite pusukilo lyandi (Nikwisa? Pano
pene pa Kalbale.)
Pa Kalbale.

Nali Mutemwa, (Ubukata!) Nali Mutemwa
Pantu Ali ntemenwe pakubala
No kushita ipusukilo lyandi
Pa Kalbale.



UMULUNGU WALENGA AMAKUMI CINE
LUBALI UWAKWA DANIELE BEM61-0806
(The Seventieth Week Of Daniel)

IMILUNGU AMAKUMI CINE LUBALI IYAKWA DANIELE AMASAMBILISHO AYAKONKANA

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, mu Kasakantobo 6, 1961, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org